


HEPELEU, KAPETULU WATETE

 Kaha kuhana nge—nge chindende...Ngwashinganyeka nge kakweshi chuma chimwe chamwaza, kuli yami, kuhambakana eli Lizu. “Lufwelelo nalwiza ha kwivwulila, kaha kwivwulila eli Lizu Iya Kalunga.”

² Ha Chitatu, kaha pamo ha Chalumingo, kutanga chimwe cha Chalumingo, kuhana kunoka pashita chindende kaha, echi ikiye atela kupwa nacho, kaha kushinganyeka pamo etu kumbata kaha Mukanda mu Mbimbiliya. Etu twapwilenga nakulinga ngachize, kaha lwola lumwe kutwama ha mwaka.

³ Ngunanuka lwola lumwe etu twatwamine mwaka wamuundu ha Mukanda wa Kusoloka. Oloze, mamalelo, yami, vyuma evi tweji kunangulanga etu, kaha omu chawaha! Kahajino etu twayile na kumbata Mukanda wa Ndanyeke, mokomoko Mukanda wa Kuputuka, mokomoko Kulovoka, kaha mbatenu echi, kapetulu ha kapetulu, kaha echi cheji kwendela hamwe na Mbimbiliya yosena. Mamalelo, Ngwazanga chize!

⁴ Hanyima chindende, etu natuya nakupwa na...Kachi Mwata mwaya nakutwalilaho kukisula kaha etu natuya lika, etu natuya nakwingila muvyuma vimwe vyakujiminyina hano, kujiminyina chivene. Kaha etu natuya kufuma muchihela chikwavo, kuhichila mu Chisoneka, na echi.

⁵ Kaha Ngwazanga kulingisa Chisoneka kupwa hamwe na Chisoneka. Omu mukiko chatela kupwa. Echi chinapu chifwanyisa chachinene. Kaha mu Mukanda ou etu tuli nakutanga, etu tuli nakuya nakwingila, mamalelo, ulwilo, na kuka cha Ukalunga, na vikomwesa, na jikeke. Kaha, mamalelo, vyuma vyosena vili nakwiza hano.

⁶ Kaha pamo omwo Nanguheta kuchihela kuze Ngwatela kupwa kukuliwana...Kangwatachikijile omwo Nguli nakuya nakupwa mukuliwana, kusanyika kukuliwana, mwomwo Kangweshi nakupwa nakalachuma palanga Nguli kaha nakwivwa kulinga chuma chimwe. Kaha chinahase kupwa shimbu kanda na chimene, Ngunahase kutuka kuya ku California, mbwe naku Maine mokomoko kumwe, kupwa kaha Ikiye nahase kungutuma. Uze ukiko mulonga Ngwahona kuhaka vyavinene, ungeji wausuku, mwomwo Kangweshi kulinga ngachize. Mulimo wami keshi wakuvatula mujila kanako, kaha unapu wakuhandunuka.

⁷ Kaha jino Ngwejile kwimbo chindende kaha. Ngwajimbalishile twende pounds, muli echi kuliwana chamakumishilo. Kaha Ndumbu walunga Mercier na Ndumbu walunga Goad apwile kuze, kunyima okwo, kaha ngwenyi,

“Ndumbu walunga Branham, Ngunatachikiza chuma muka ove weji kulinganga. Ove haka muchima wove wosena muli echi.”

⁸ Ngwambile ngwami, “Eyi ikiko jila ove unahase kulinga mulimo na mwaza wa Mwata, kuhaka vyumavyosena ukwechi kulutwe hali Kulishitu; ngolo jove josena, mwono wove wosena, muchima wove wosena, wongo wove wosena, vyuma vyosena ove ukwechi.” Nge uli nakulinga kalachuma, chilinge mwakwoloka mokomoko kanda kuchilingako, talenu, chiseze ukawacho. Kachi ove uli nakuya nakupwa Mukakulishitu, kuhaka vyuma vyosena vize ove ukwechi kupwa na Kulishitu, chize, lwola lwove, talenda yove, vyove vyosena.

⁹ Nguli nakutala hali uze mukweze. Uze ikiye pwevo lyove, Ndumbu walunga Burns, echi chili, nge kwimbisa na kwimba kuze, vase vakweze vamaowe. Kaha—kaha keshi nge kalyalyako, chipwe organ, oloze nge vizachiso vimwe, vakiko kupwa na lizavu nakupwa, nakulinga chumachimwe hali Mwata. Pamo ove unahase kulinga chize, na kwimba, chize, kungalanya myono. Kulinga chumachimwe, numbathuhu. Kachi ove—ove unahase kwimba kapyololo, chamwaza, kapyololo. Kulinga chumachimwe. Shina kwambulula kaha mokomoko kulinga chuma chimwe cha Wangana wa Kalunga. Kalachuma ove ukwechi, kuchizachisa mumulima wa Kalunga.

¹⁰ Jino, etu katweshi kuya nakutwama nakushimbula chikumako, mwomwo Ngunatachikiza enu vakuzata. Enu mwatela kuhinduka. Kaha Ngulinakuya na muunyanga wami wosena chimene chino. Nanguya kaha nakumilweka muchano. Omu mukiko Nguli nakulinga. Omu mukiko Ngwejile kwimbo, na kunoka chindende. Kaha shikaho Nguli nakuhinduka, pamo ha fwo koloko, na kuya nakulovoka mumusenge na, chamwaza, kuhangasana chindende na kuya mukusavala. Kaha Nguli nakungalanya kulema chimwe, shikaho Nanguya nakunoka, hanyima chinndende, kachi ove. . . Mwata netavila. Kaha vyuma vyosena vili kanawa.

¹¹ Chosena chakwoloka, jino, etu natuya nakwalumuna Jimbimbiliya jenu. Ngwatondo enu mumbate Jimbimbiliya jenu ufuku wosena, nge enu. . . nge munahase. Kachi muthuumwe nahono chindende, kuliko muthu umwe natondo kukavangiza hakutanga, etu tukwechi vimwe hano, Etu tuli. . . vamwe vakakulama kuchikolo kuvetaviza. Kala muthu natondo umwe? Chamwaza, zundula kaha livoko lyove.

¹² Kuhona kutachikiza kachi Ndumbu walunga. . . Ndotolo, twaya kuno na kumbata Jimbimbiliya. Ove unemana haze hakamwihi, kaha Ndumbu walunga Burns. Echi chakwoloka, Burns? Ngwamwivwile ikiye kuhanjika. . . [Uze ndumbu walunga ngwenyi, “Conrad.”—Muka.] Ika? [“Conrad.”] Ha lipapilo. Ngwamusanyikile ikiye. . . Nguli nakupwa na kwivwa chachikalu, pamo, Ndumbu walunga Neville. Kaha

Ngwawanyine ngachilihi lijina lya Burns? Ngunatachikiza meso amuthu, kaha Kangweshi kuhasako, kangweshi kuhasa kuvuluka lijina lyenyi.

¹³ Kaha ove unatachikiza, omu naukula chindende, Ngunawane chumachimwe, chili chachikalu kuli yami kutanga Mbimbiliya. Kaha Ngwajinda kushinganyeka kuvwala vivanjilo, kutanga Mbimbiliya.

¹⁴ Oloze, hano keshi kunyima chikumako, Ngwashinganyekele nge Nanguya nakupwa kapuputa. Kaha Ngwayile kuze kumona Sam. Kaha Sam ngwenyi, “Bill, Ngunahono kutachikiza.” Ambile ngwenyi, “Nanguya nakukuhaka hamukana ulimone kuluwa.”

¹⁵ Ngwayile ku Louisville. Echi chatela kupwa punga ya Mwata. Umwe kuluwa wapuho; Ngwavulyama lijina lyenyi jino. Oloze ikiye atangile mukanda wami. Kaha ikiye ngwenyi, “Kachi ove kinduluka kulitungu lya Africa, Ngwatondo kuya na ove.” Ikiye ngwenyi, “Kaha kachi ove. . . Vakiko vathu vamu Africa vakuzanga ove.” Kaha ambile ngwenyi, “Vakiko vali vene vakulimanyina, chikumanyi na poko, na kuya na kuvatula. Shikaho,” ambile ngwenyi, “Ngwatondo kulihana mutukweji sikisi vachiyoyelo chami, kupwa nakufumisa kawili hameso na vyuma, na. . . muumishonali.” Kaha ambile ngwenyi, “Kachi etu tunahase kwiza hamwe, kaha enu munahase kuwana uselewa navakiko, nge ngachize,” ambile ngwenyi, “jino kachi vakiko vali nakawili kaha lizo lyeji kuzatanga,” ambile ngwenyi, “Nangusaka kaha kulihana, chawana wakanwombo, hatukweji sikisi.” Kaha Ngwavulyama nauya nakuvandamina kuliwana nenyi palanga nahaka.

¹⁶ Kaha etu twapwile tunatwame mukapete kakandende kaha twapwile na kakandende—kakandende kumunyika chichila kwiza, kunyima kuze mukapete kamilima. Mwomwoika, Ngunahase kutanga jisona. Jahanjikile twende twende. Ngunahase kujitanga sali josena. Kaha ikiye akwachile ha fifiteni, kaha Ngwawashile kutanga. Kaha nakuuhaka ha teni teni, kaha Ngunahase kutanga echi. Ikiye ambile ngwenyi, “Chamwaza, kakweshi chuma chakuhenga na meso oveko.”

¹⁷ Shikaho ikiye apwile na telescope yayindende. Ikiye ahakile kalikina kakandende kuze, koma kakandende, munatachikiza. Jize ji telescope amwaka, vangahi vanahase kwanuka? Etu twapwilenga nakutala nakuhita muli vakiko, kutala havifwanyisa, ngachize kaha. Kaha ikiye ngwenyi, “Unahase kutanga echi?”

Ngwambile ngwami, “Eyo, mwane.”

Ikiye ngwenyi, “Ngutangile echi.”

¹⁸ Yapwile na, mamalelo, chihanda chosena, pamo nge *ngachize*. Ngwaputukile, tanga echi; ikiye aputukile kukoka, nge *ngana*, kupwa chindende kaha chindenda. Ikiye akwechi

nge *ngana*, Ngwechele. Ikiye ambile ngwenyi, “Ngunahase kumilweka chumachimwe, ove unahambakana fwote.”

Ngwambile ngwami, “Ya, chize chakwoloka, kunyima chikuma.”

¹⁹ Ikiye ngwenyi, “Ove unachilingi echi?” Ikiye ambile ngwenyi, “Liso lyauthu, muuthu, omwo ove muheta myaka fwote yakusema, nge kambu jove kwalumuka kupwa jitoma, kaha navyangocho, vikavizo kushikumuka.” Ambile ngwenyi, “Jino, kachi ove muyoya nakushimbula chikuma, chize nachiya nakwiza cheka kunyima.” Ikiye ambile ngwenyi, “Chize kumona cha muchivali, vakiko veji kuchivulukanga. Oloze,” ambile ngwenyi, “muthu kupwa, pamo na myaka fwote yakusemuka, vakiko navakaya vene...” Ngwenyi, “Kakweshi chuma chakuhenga na meso avo.”

²⁰ Ngunahase—Ngunahase kumona kambu kachi apwile hamavu, kufuma hali yami. Oloze kupwa hakamwihi na yami... Kaha ikiye ngwenyi, “Jino, enu mwatatangi Mbimbiliya,” ngwenyi, “enu namushijika kufuma kuli enu.” Ngwenyi, “Hanyima shimbu, livoko lyove kalyeshi lyakushimbulako, palanga ove kaweshi—kaweshi kulovoka kufuma hahasuku nakukwata echi.”

²¹ Kaha shikaho ikiye angupangilile mangilashi, kaha kwishi yachihanji, kupwa akutangisa. Ikiye ngwenyi, “Jino, mukamenga...” Ikiye ashinganyekele nge Ngwapwile umwe wavaze vakakunangula hano vavalemese, munatachikiza. Kaha shikaho ambile ngwenyi nge...ove...Helu yachihanda hali kaha mangilashi kaha, kupwa kaha mangilashi. Kaha chihanda chakwishi kupwa na vyuma vimwe, nge Ngunahase kuchitanga kanawa, munatachikiza, nge *ngachize*. Shikaho Ngwajinda kuvahaka vakiko; Nangulinga.

²² Kaha jino, mu kunangula cha Mbimbiliya, kaha Nguli na Tesitamende Yayihya ufukuuno. Shikaho eyi yinapu... Ngukwechi Collins Tesitamende Yayihya kaha echi chikwechi kusoloka chamwaza. Oloze jino, omu nangukinduluka muyeka, Ngu—Ngunahase kuya kujikiko nge masepa, kaha—kaha kupwa kaha nakutangamo. Oloze kala chuma, Ngwa—Ngunawahilila Ngukwechi chumachimwe Ngwa—Ngunahase kutanga. Kaha—kaha—kaha kala chuma Ngulinako, Yami nanguya nakuhana muthu wosena Nanguhasa, ku upahu wa Kalunga, kutalilila nge Ikiye mwaya nakumbata chinjikizo cha kukula nakuchifumisako. Kangweshi kuhasa kumulomba Ikiye afumise kukula chamiko. Ngwa...Yaah, echi chikiko kaha chuma chimwe etu twatela kulinga. Etu twatela kuya nakuhita muli chize. Kaha Ngunatachikiza Kangweshi kanyike walunga wamundende nge omu Ngwapwilenga nakupwa, kwimana hano hakamenga. Nguli na myaka fwote eyite yakusemuka. Kaha

shinganyeka, myaka ivali kaha, nanguya nakupwa na myaka fite yakusemuka nge, Ndumbu walunga Mike.

²³ Yami, kangweshi kuchifwelelako! Kangweshi... Kangwatachikijileko nge Ngwahambakanyine twende palanga pamo myaka yivali yinahichimo. Echi chakwoloka. Echi chakwoloka. Kangweshi kaha...Kangwawashile kufwelela echiko. Kaha ohonyi Ngwa—Ngwa... Echi chili chachikalu kuli yami kufwelela palanga kutalila mujanena, kaha jino Ngwa—Ngwatachikiza mukiko chili, jinonyi. Oloze—oloze kupwa kaha nakutala, Nguli kaha nakwivwa kanawa nge omu Ngwevwile muchiyoyelo chami, kaha Ngunasakwilila hali echi, nawa. Vosenamvamwalise kuli Kalunga.

²⁴ Jino, etu tuli nakutanga Mukanda wa Hepelewu. Echi chinapu... Mamalelo, chinapu chimwe chakukunama, Mikanda yimwe yamu Mbimbiliya yili naluheto. Nangumilweka, unapu Mukanda vene nauya... Kachi Kalunga mwetaviza, kaha etu natuya nakushikumuka muli echi, Ngwafwelela etu natuya nakupwa na tuma tumwe twatulemu palanga etu natuya nakutambakana kwalisa kuli Kalunga lwola lwosena. Kaha jino Nguli...

²⁵ Ou Mukanda wa Hepelewu, mukiko vene Echi chili, Kuli vyakutanga muli Mukakujila Paulu, wamunene umwe mukakulumbununa Mbimbiliya, Ngwafwelela, kaye kanda lyehi vapwenga nacho, kusali ya Mwata wetu Yesu Kulishitu. Kaha Paulu apwile nakuhandununa chize... Jino, Paulu apwile mulongeshi chikupu wa Mbimbiliya; uze apwile, wa Tesitamende Yamwaka. Ou ukiko Mukanda vausonekele jino, vavuluka ngwavo Mbimbiliya. Kaha ikiye apwile nakweseka kusolola wa Hepelewu, kuhandununa Tesitamende yamwaka na kusolola Tesitamende ya Mwaka kupwa muvimbimbi mokomoko chifwanyisa cha Chachihya.

²⁶ Haze vene etu tunahase kuheta hembo na kutwama tukweji vatatu kuze hali chize chimwe chishinganyeka, haze vene. Kukinduluka kunyima, kachi etu natuhasa kufukununa Jimbimbiliya jino, mukiko etu tuli mu Hepelewu, kapetulu 1. Oloze kachi etu natufukununa mu Kusoloka, kapetulu 12, enu namuya nakumona echi mwakukupuka cheka, omwo miwimbimbi. Kachi... enu mukwechi sonekeso yamakala na kuya kusoneka Visoneka. Mu Hepelewu...

²⁷ Mu Kusoloka 11, etu tunawane nge Yowano, ha pili ya Patamos, amwene pwevo nemana muutangatanga, kaha ikiye apwile na musana kumutwe wenyi kaha kakweji mwishi ya vilyachilo vyenyi. Kaha uze pwevo vamukwachile kusema, na mwana kupwa wakusemuka. Ikiye kusema mwana walunga. Uze chazangombe uchila nemana, mangana alye uze mwana hazevene navamusema. Kaha uze—uze mwana vamukwachile Mwilu, kaha uze pwevo achinyine muze mupambo muze ikiye

apwile nakumulamina lwola lwosena, lwola, kaha chimbwa cha lwola, mokomoko chimbwa cha lwola.

²⁸ Jino, uze pwevo emanyinyinako liuka, kaha uze Mwana uze asemene asemene Kulishitu. Uze kakweji apwile kwishi yamahinji apwile lushimbi, lize likumbi kumutwe wenyi lyapwile likoji. Vatanganyika likumi navavali mumuchama vapwile vapositolo likumi navavali. Kaha kuze kukiko, kuli chize... Vaze vapositolo likumi navavali vapwile upahu mokomoko muchama kuuvwika muchama wa Tesitamende ya Yihya. Talenu? “Mwomwo kakweshi chikuku chekako vanahase kwala kuhambakana chize vala lyehi.” Talenu? Echi, Chikuku, cha—cha Tesitamende Yayihya, vapositolo, Kunangula cha vapositolo, na vyangocho, uli na kuwana muchama wa Tesitamende Yayihya. Kaha jino kuze. . .

²⁹ Kakweji unapu muvwimbimbi wa musana. Uze musana weji kusolola kumunyika chacho omwo chili kunyima ya mavu. Kaha uze kakweji kuhana kumunyika, kutambukilaho, na ufuku. Kaha chifwanyisa chamwaza etu tukwechi hano, chifwanyisa chikwavo: likumbi lye manyinako Kulishitu; uze—uze kakweji kwimanyinako Liuka. Vakiko vanapu kaha nge lunga na pwevo. Kaha mukuhona kwitavila cha Kulishitu, eli Liuka kusoloka chindende cha Kumunyika chindende, ou Mujimbu wamwaza. Kaha echi—echi chinapu Kumunyika kutambuka palanga Mwana walunga kukatuka cheka, kahajino Liuka na Mwana walunga, kakweji na musana, kupwa hamwe. Talenu? Kakweji napu chihanda cha musana, kaha Liuka linapu chihanda cha Kulishitu. Kaha shimbu Kulishitu wauchi, eli Liuka kusolola Kumunyika Chenyi. Kaha jino kupwa wakukunyuka nge omu kakweji nahase kumunyika, nejiva musana kumunyika kumwe. Kaha kachi Liuka lili nakusolola Kumunyika cha Kulishitu, Kulishitu nge ayoya kumwe. Amena. Shinganyeka hali echi.

³⁰ Jino, lushimbi lwapwile chifwanyisa cha likoji, oloze lushimbi kalwapwile na ngolo jakulwilako. Lushimbi lwapwile kaha na... Elu lushimbi lwapwile kaha kapokola. Kaha kapokola mwakuhaka kaha mujele, oloze, wamono, chinatondeka likoji numba ufume mujele. Talenu?

³¹ Shikaho Manyinga a Kulishitu, ou Mujimbu wamwaza, watusokole etu kufuma mushili. Lushimbi lwatulingisa etu kupwa vakashili. Lushimbi lwahanjika kaha, “Ove wapwa mukashili. Ove kawatela kwivako. Ove kawatela kulinga ujilako. Ove kawatela kwambulula unjiho wakwongako.” Talenu? Apwa kapokola uze eji kuhanjikanga nge ove unahenge kaha uli namulonga. Oloze Mujimbu wamwaza unapu mijimbu yamwaza. Kulishitu afwile mangana atulwila etu kufuma mukuzombojoka chetu chosena, kuhokola lushimbi. Kulishitu afwile kutufumisamo.

32 Jino, Paulu, kufuma haze vamwalumwine, ikiye kahulile kuli kala shikola ko, chipwe kuhula kala vakakuzata muliuka. Oloze munatale echi? Ikiye ayile nakushikumuka mu Arabia, kaha apwile kuze mумыaka yitatu, muze mu Arabia. Jino, echi chili, kutesekeza na kushinganyeka chami, echi. . .

33 Jino, etu tukwechi chikuku cha echi, shikaho etu natuya nakutachikiza omu chili chachilemu. Kaha kunangula chatete, ufukuuno, etu natumbata chikuku chetu.

34 Jino, Paulu apwile mulongeshi wa Mbimbiliya, mwomwo ikiye vamunangwile kuli uze wamunene, lwola lwosena apwile wapuho Gamaliel. Kaha ikiye apwile umwe hali vaze vene vakutachikiza valize likumbi, uze mulongeshi wamunene wakunangula lushimbi na tupolofweto. Shikaho, Pauulu apwile wakutanga kanawa muvyuma kana.

35 Kaha jino Ngwazanga eyi jila, echi kusoloka chachinene, kupwa wakushishika mu muchima wenyi, kupwa chihwanga, alingishile kupwa cha Setefwani kaha amwene kufwa cha Setefwani namalolwa na mazavu kumwasa malolwa nakufwa. Ngwashinganyeka chatela kupwa wakushisaho kupwa na Paulu omwo ikiye amwene Setefwani kukatula mavoko eyi Mwilu, kaha ngwenyi, “Ngwamono Mumelu munasokoloka. Ngwamono Yesu nemana kulivoko lya chilyo lya Kalunga.” Kaha ikiye ambile ngwenyi, “Tata, kanda kuhaka eyi shili hali vakiko.” Kaha ikiye asavalile tulo.

36 Munatachikiza echi? Ikiye kafwileko. Ikiye asavalile tulo. Chochimwe nge. . .Kangwafwelela nge ikiye evwile lilolwa likwavo. Kupwa kaha nge kamba mumavoko anaye, kusavala tulo, Setefwani asavalile tulo mumavoko a Kalunga.

37 Kuli chumachimwe, hali Paulu, chize chapwile hakamwihi na ikiye. Jino ikiye, kala muthu ali nakukunyuka, kweseka kuzungisa Echi, ikiye kukatuka nakupwa kapilishitu wahelu kaha kupwa na visoneka vimwe. Ambile ngwenyi, “Nanguya nakukasa vaze vathu vosena vaze vali nakuneha vyema, kaha uze uleya;” uze vavulukilenga, ou etu tunahase kuvuluka na lelo, vamwe “uleya uvene,” mokomoko chumachimwe nge ngachize, kuneha vyema vyavivulu na nakuneha chimbangnyi. “Etu natuya kaha hamavu na kukumisa.”

38 Kaha mujila yakuya, kakandende wamwaka. . .keshi yayinene nge omu tuli nakutambukamoko. Kaha jize jijila mu Palachise, kupwa kaha jajindende, nge muze mwakuhita vangombe kuhita muchipapa muze vangombe, kaha mikoko, kaha tuvalu, kaha vimbulu, kaha ngamela, vayilenga mujipili.

39 Kaha Paulu, mujila yenyi yakuya ku Ndamashiku, pamo na musana, likumbi limwe, kumunyika chachinene Kumunyika na kumuveta ikiye mumavu. Naumwe pimbi amwene Chize oloze Paulu. Ngwatondo enu kutalisa chize. Kaha hano vene,

echi kacheshi chautuko jino, oloze tuli nakuya muchikuku. Nge namuya nakutachikiza nge Yesu youmwe. . .

40 Jino, omwo Ikiye apwilenga hano hamavu, Ikiye ambile ngwenyi, “Ngwafuma kuli Kalunga, kaha Nanguya nakukinduluka kuli Kalunga.”

41 Jino, omwo Ikiye avatwaminyinyine vana va Isalele, Ikiye apwile Panda ya mulangi wa Kakahya. Kaha Ikiye vamutengele nakupwa musonyi, kahajino Ikiye akindulukile kunyima kuli ize Panda ya mulangi Wakakahya. Kaha omwo Ikiye aliwanyine na Paulu mujila yakuya ku Ndamashiku, Ikiye apwilenga ize Panda ya Kakahya, chize Kumunyika, talenu, Kumunyika chachinene. Kaha Paulu ngwenyi, “Hiya Ou Nguli nakuyanjisa?”

42 Ikiye ambile ngwenyi, “Yami Yesu, Ou uli nakuyanjisa,” chize Kumunyika. Mamalelo, kumana Ikiye keshi wamwazako?

43 Kaha Ikiye uno hano, ufukuuno, hano vene na etu. Apwile na chifwanyisa Chenyi chatwalile vene kuze, Chuma Chochimwe, talenu, Panda ya mulangi wa Kakahya, Kumunyika, chochimwe nge omu Ikiye apwilenga, “Youmwe zau, lelo, na hayamyaka.”

44 Jino malunga vaze vapwilenga na ikiye kavahashile kumona chize Kumunyika ko, oloze Chapwile chochimwe. Makumishilo eji kuhana mwomumwe.

45 Jino, echi chinapu chachashi nge—nge mthuumwe nahase kumona Kulishitu muli ino zuvo kaha naumwe pimbi shina Ikiye kaha? Punduvene. Echi chasolokele kuze.

46 Echi chasolokele nawa ufuku umwe omwo Petulu apwile mukamenga. Kaha chize Kumunyika chejile mukamenga, kaha kumukwata Petulu, kaha kutambuka kuhita muze mulivakakulama, nakuweluka wavakakulama, kutambuka kuhita hachikolo, na chikolo chivene, kaha nahachikolo cha mbongi. Petulu ambile ngwenyi, “Ngwatela pamo nguli nakulota.” Oloze ikiye atalile nakujinguluka, oloze Kumunyika chayile; Kulishitu, uze wa Hayamyaka, Kumunyika cha hayamyaka. Ikiye ali Kulihi. Jino, mujila yakuya. . .

47 Kaha tala, chuma chikwavo, kachi etu tunahase kuhanjika echi, chineza mwungo wami. Oloze malunga vakamangana vakavangijile Tanganyika, kufuma kwosena ku India, mbwe naku Orient, tukweji, kwiza nakuhita muvyana na musesa (kuhita mukutanga vatanganyika; kaha valamine lwola lwa ufuku ha vatanganyika) kaha kakweshi mukamijimbu mokomoko kala umwe vavuluka kupwa mukakumona uze Tanganyika shina vaze malunga vakuzangama. Echi chapwile kaha chavakiko kumona Chize.

48 Shikaho enu munahase kumona vyuma vikwavo uze mukweze nahase kumona. Kuli enu, Unapu muchano. Kuli ikiye, vakiko kavavevwushishileko. Kupwa kaha nge kwalumuka; ove unahase kwalumuka na kuwahilila mujikisu ja Kalunga,

kupwa kaha—kupwa kaha kunwa mu kukisula cha Kalunga. Kaha uze mukweze mukwavo, natwame hali ove, “Kangwamona chuma kanako.” Talenu? Talenu? Mukiko kaha. “Kangweshi kuchivwushisako. Kangwamona chuma muka echi chili hali echiko.” Chamwaza, ikiye keshi kuhasa kupwa na Echiko. Mukiko kaha. Kulihi, enu muli.

⁴⁹ Talisenu jino, Paulu mujila yakuya. Kaha haze vene echi kulilongesa chachinene chasolokele kuli ikiye. . . Jino, ikiye apwile wakusuuluka. . . Muze mukiko cheji kulingisanga Paulu kupwa wamwaza.

⁵⁰ Jino, kunangula chetu ufukuuno kacheshi chakujiminyinako. Echi chinapu kunangula chakutangisa, oloze, mamalelo, etu natuya nakwingila mwishi, hanyima chindende. Oloze ou ukiko kutangisa chahelu, oloze chili kaha nakuputuka. Kaha chuma muka echi, chinapu chuma chimwe, chili kuzundula Yesu Kulishitu. Paulu, kukuputuka.

⁵¹ Kaha shimbu ikiye mwaya nakulinga echi, Paulu apwile mukakulinangula Mbimbiliya. Kaha mukalinangula Mbimbiliya keshi kukazeyako mukunangula chenyi ha kutachikiza chenyi. Nduma, mwane. Vakiko kaveshi kukazeya hakunangula chakutangikiza chavoko. Enu munahase kupwa na kutachikiza. Oloze chatela kupwa MUKIKO MWANAMBE MWATA. Chakwoloka.

⁵² Jino, mu Tesitamende Yamwaka, vakiko vapwilenga na jijila jakuhandunuka vakiko vanahase kutachikiza mujimbu. Chatete, lushimbi, luze lwapwilenga lushimbi. Kahajino, vakiko vapwile na—na kapolofweto; mukakulota; kaha vakiko vapwilenga na Ulime Tumime. Jino echi chinahase kupwa kujiminyina chindende.

⁵³ Uze Ulime Tumime wapwile hamalolwa akulamika avwalilenga ya Alone hatulo yenyi. Muze mwapwile malolwa: jasper, sardius, carbuncle, na vyangocho, nakushikumuka. Vakiko vapwile namalolwa osena amanene likumi na avali, aze apwile malolwa akulamika, kusolola nge ikiye apwile kapilishitu wakulitulaho wa miyachi yosena ya Isalele. Awa malolwa akulamika kusukama ku panda yamu liuka. Kaha omwo kapolofweto apolofwetele, kaha vatondele kupwa vakukunyuka nge chapwile chakwoloka, mokomoko chiku, tupolofweto mokomoko vakakulota kwimana kumeso a Ulime Tumime, kaha ikiye ahanjikile chilota chenyi mokomoko chimweno chenyi, kala chuma ikiye amwene. Kaha kachi Kumunyika Chajila. . . Mamalelo, munachimono echi? Kalunga lwola lwosena atwama museteko ya ngolo jaukalunga. Chize kusoloka, aze malaiti, apwile kaha kanawa palanga nahakulovoka cha lizu. Kaha omwo lize lizu lyavetele haze hamalolwa, kachi kachapwile chaukalungako, ikiye ahole kulu. Oloze kachi echi chapwile chaukalunga, aze Malaiti

osena kusolola ulombo wa kongolo hamwe. Amena. Kahajino, chize chapwile Kalunga kuhanjika, “Uze ikiye kapolofweto Kami.” Mokomoko, “Chize chilota chafumine kuli Yami.” Echi chapwilenga kutesekesa na Ulime Tumime nge vakiko mukakusopasa.

54 Anuka Saulu omwo alimbukile? Ikiye ngwenyi ikiye na chilotako. Kaha uze kapolofweto, Samwele, apwile wakufwa, kaha kakwapwile jila yekako. Ikiye ambile ngwenyi, “Numba Ulime kaweshi kuhasa kuhanjika na yamiko.” Kakweshi chumako. Saulu emanyine kumeso a Ulime, kaha mazu eyi apwilenga akufwa. Talenu? Kalunga amuhungile. Kaha uze Ulime Tumime, uze Alone enjikijilenga upilishitu wenyi. Hanyima ya Alone, Mose, aze—aze malolwa akulamika akusukika ha panda.

55 Jino, upilishitu wa Alone wakumine omwo Yesu afwile. Kaha jino, kuhandununa lushimbi kufuma kulikoji, etu hanga tuli na Ulime Tumime. Kaha Paulu apwile nakuzachisa Chize. Talenu? Uze Ulime Tumime lelo napu Kalunga wakuzeneka mujimba, Hayamyaka, Lizu lya hayamyaka. Talenu?

56 “Mwomwo owo wose mwakafumisa mu Mukanda, mokomoko kuhaka kalachuma kuli Echi.” Kangwazangile chuma chimwe kusali Echiko, oloze Ngwatondo vyosena Evi. Eli likiko Liuka etu twatondo. Kaha vyuma vyosena vyatela kwinjikiza ha Lizu.

57 Uze ukiko mulonga Ngwambachile echi kalinwa mukachi ka vathu Vakapendekosita, mwomwo, kuhanjika, “Kangwahashile kwivwushisa omwo maji apwile nakuhingunuka mukachi kamavoko, mokomoko manyinga kufuma kumeso ove, chapwile chinjikizo ove wapwilenga na Shipilitu Wajila.” Echi kacheshi Chisoneka ko na Kangwa—Kangwahashileko. Echi chatela kufuma ku Lizu.

58 Kaha jino, Paulu, ikiye azangile Lizu. Shikaho, shimbu kanda ikiye apwenga chinjiho chachinene cha kutachikiza nge ikiye apwilenga nacho, ikiye ayile nakushikumuka mu Ejipitu ha myaka yitatu. Ngwafwelela echi chapwile myaka yitatu, kunyima ya Yijipitu. Kaha munatachikiza chuma muka Ngwafwelela ikiye nalingi? Ngwafwelela nge ikiye ambachile Tesitamende Yamwaka, kaha kutonda nakuhita mu Tesitamende Yamwaka, kaha kuwana nge Chize chapwile vene chikumishilo cha Meshiya. Ikiye atela kwinjikiza chenyi ha Mbimbiliya. Amena. Mamalelo, yami!

59 Tala hali ikiye omwo ikiye apwile mukamenga. Munatachikiza, kuli na—na chihela muchiyoyelo cha Paulu omwo ikiye apwile muze mukamenga halolwa lwalusuku. Ikiye asonekele Mukanda wa Efwesu. Ikiye asonekele ou Mukanda wa Hepelewu. Talenu? Ikiye apwile na lwola. Kalunga amusavalikile muze mukamenga, kaha ikiye asonekele awa

Jisona ja mauka. Umwe ku liuka lya Efwesu. Ikiye asonekele umwe ku liuka lya Pendekosita, apwile naukalu umwe wavo. Lize liuka lya Pendekosita ikiye apwile naukalu na kala muthu. Chochimwe chatwama na echi. Oloze ikiye apwile wakusakwilila hali vakiko. Chuma chimwe kaha ikiye nahase kuanangula vakiko. . . Omwo vakiko vejile: umwe apwile na lilimi, umwe apwile na mwaso, umwe apwile na kwivwa, umwe apwile na kwivwa chamumujimba. Ikiye kahashile kuhanjika, kuhanjika kuli vakiko, “Kukingiwa Chahaya myaka.” Ikiye kahashile kuhanjikako hali vakiko, “kutongola.” Ikiye kahashile kuhanjika kuli vakiko, vakiko vapwile vakemba. Vakiko vosena vapwilenga na—vapwile na kwivwa chumachimwe, mokomoko kumona chumachimwe, mokomoko kupwa nakwivwa mumw mumujimba, kaha, mokomoko chumachimwe hali vakiko, vinjikizo vimwe.

⁶⁰ Oloze Ngwafwelela, omwo ikiye ahanjikile kuli vaka Efwesu, ikiye ahashile kuhanjika hali, “Kalunga atutongwele lyehi kupwa vana vamaunga na vamaapwevo, na twitavila kupwa vana muli Yesu Kulishitu shimbu kanda chikuku cha kaye.” Tala hali chize. Yami!

⁶¹ Tala ikiye ejile mu Mukanda wa Loma, na vyangocho. Vakiko vapwilenga nakukula. Mamalelo, vakiko vahanjikile mumalimi, punduvene, kaha vakiko vapwilenga na vinjikizo vikwavo vya Shipilitu Wajila mukachi kavo. Oloze vakiko kavatungile kunangujola, kaha kwivwa, na kuchikima chindende, na kwivwa chachipi.

⁶² Paulu ambile ngwenyi, “Ove—ove—ove weji kufuma mujila hali chize. Omwo enu mwatela kachi kupwa nakunangula, enu hanga muli vakemba kaha mulinakutonda mavele.”

⁶³ Jino, omu mukiko Ngweji kwesekanga lwola lwosena kupwa na mbalaka yakupwa, keshi lizavu lya vakemba ko. Echa tupwenu vakukula. Kwimana mujila. Mamaah, yami! Yenu haze.

⁶⁴ Shikaho, Paulu kuya nakushikumuka, chatete, kumona kachi kutachikiza chenye kwendela hamwe na Mbimbiliya ya Kalunga.

⁶⁵ Mamalelo, echi kacheshi kuhasa kupwa chamwazako, lelo, kachi vathu navalinga chize cheka, kachi etu natulingisa kutachikiza chetu kutambukila hamwe na Mbimbiliya ya Kalunga? Kachi echi kacheshi, kahajino kutachikiza chetu chakuhenga; kacheshi kuhasa kutemwina muze mu Ulime Tumime. Kachi echi nachikumina Kuze, amena, munatachikiza enu mukwechi Echi. Oloze kachi echi kacheshi, vamwe. . . Kangwalizakaminako omwo chili chamwaza, omwo chasolokele ngachilihi nge chakwoloka; kachi aze malaiti aze kawamwinyikileko haze ha Ulime Tumime, wapwile wakuhenga.

66 Kaha chipwethuhu atwama ngachilihi na kutachikiza ove watela kupwa, omu uli vene wamwenemwene kupwa, nauchihanjika ngachilihi, nachipwa ngachilihi chakutanga, chitwa changachilihi chakungalanya myono; kachi kacheshi kutemwina mu Lizu ko, chinapu chakuhenga. Chakwoloka. Chatela kupwa mumukana na Lizu.

67 Jino, Ngwafwelela mu . . . kuli hakachi ka jila. Mujila kana, jino, lwola lwaluvulu . . . Ngwapwilenga na kuya ku liuka lya Nazaleni. Ou Mwata kisula vaze vathu vapwa vamwaza. Vyuma vyamwaka, wakujilika wa Mesondisiti mukiko vali; liuka lya Kalunga, Nazaleni, Pilgrim Holiness, kaha vavavulu vaze mauka amwaza ajila. Kaha vakiko vapwilenga nakwimba myaso:

Nguli nakutambuka mujila yamwaka,
Kwambulula kwosena Nanguya,
Nachipwa chamwaza kupwa lwola lwa
Mukakulishitu wamwaka, Mwata,
Kuhambakana kalachuma Ngunatachikiza.

68 Chamwaza. Chamwaza. Kaha jino vakiko vapwilenga nakuhanjika hali ize jila yava kakujila. Jino, kachi enu namutanga hali echi, vakiko navatambula kufuma mu Isaya, kapetulu 35. Jino, kachi enu namutalisa, ikiye ngwenyi, “Nakukapwa jila, *kaha* jila.”

69 Jino, *kaha* makanyiko. Talenu? Likula jila, kayapwile likula jila yakujilako. “Nakukapwa likula jila, jila, *kaha* navakayivuluka, ‘Ikiko jila yakujila,’ keshi likula jila yavakakujilako. “Mujila yava kakujila!” Kaha jila ya mujila yapwile mukachi ka jila. Vayitunga *ngachize* mangana vimeya vikose majilo, kusali josena jivali, kulama jila kupwa yitoma. Ove kaweshi, ove uli na chihanda cha kwimana mujila yove, lwola lwosena, kachi echi kacheshi kutunga kanawako. “Eyi jila” ili mukachi ka jila.

70 Jino, kusali *yacho*, omwo vathu navakalumuka, vishinganyeka vyavo vitwama muli Kulishitu. Kaha kachi vakiko navapwa kaha vakufuma kushikola, kaha kuhona kupwa mwishi yakulomba, vakiko navaya nakupwa vatuta, na vyangocho, kaha vakuminyina, kaha vakuhandunuka. Kaha jino kachi vakiko vali kaha na woma chindende, kachi enu kamweshi nakutalako, vakiko navaya nakupwa vavapi kaha vaukenya, hali *eyi* sali, talenu, vakiko kuya nakwingila mukwivwa na yumavimwe.

71 Jino, oloze, eli Liuka livene lyapwa Mujimbu wamwaza, hanovene mukachi ka jila. Keshi nge kututa na kuminyina, chipwe kupwa vakutoleka. Echi chinapu chamwaza, wamwaka, Mujimbu wamwaza, kuhwima cha zangi ya Kalunga, kuya nakushikumuka mukachi ka jila, kusanyika kufuma kusali josena. Echi chakwoloka. Jino omu mukiko . . . Kaha nauya

ngachilihi nakumbata eli Liuka? Kufuma mu Lizu, Ulime Tumime.

⁷² Jino, Paulu atondele kumbata eli liuka mukachi ka jila, shikaho ikiye ayile na kutanga mumyaka yitatu ha Visoneka vize ikiye atachikijile. Shikangaho, Paulu asonekele chihanda chachinene cha mu Tesitamende Yayihya. Kalunga apwile na ikiye kulinga chize mwomwo chili nakwiza chisemunuino cha Kamafuchi eka na eka. Matewu, Mako, Luka, na Yowano, uze Mijimbu yawamwaza, ikiko vapwilenga va Yuleya. Oloze Paulu asonekele jisona josena.

⁷³ Jino talisenu, jino, etu natuya nakuputuka kupwa na echi chikuku jino, kuze ikiye ali, kusoneka Echi, kufuma mukamenga. Kaha ikiye apwile nakutachikiza. Oloze, chatete, kutachikiza chapwile kwinjikiza chatete, kaha eyi yinapu sapi yasona kuyikiko. Eyi yinapu sapi ya sona. Vakaloma na vaka Efwesu, na vyangocho, kupwa na chihela, oloze eyi ikiko sapi ya sona.

⁷⁴ Jino, kapetulu 1 lyosena *napu* Yesu, na kuli pangununa Ikiye kufuma hakupwa kapolofweto. Ou ukiko chuma chivene jino. Nanguya nakweseka echi washiwashi nge omu nangushila, shikaho etu katweshi nakutwama nakushimbulako. Mutwe wachihande wosena *uli* kuhandununa kapetulu kaka-... kakahya... Uze kapetulu 1 *ali* nakuhandununa Yesu kufuma muli tupolofweto, mokomoko kala lushimbi, mokomoko vyangocho, kaha kusolola Hiya Yesu ali. Jino tala, “Kalunga.” Etu tweji kuputukanga, lizu lyatete, “Kalunga.”

Kalunga, ha likumbi-... *hiya wakushikulu*...

Kushikulu kulumbununa “kunyima chikuma,” lwola lwakunyima.

... *hanahanjika lyehi hashikulu* kuli *vakakuluka jetu* muli *vapolofweto namazu eka naeka mweka namweka*,

⁷⁵ Jino, talenu, “Kalunga, mulwola lwakushikulu, mujila kunyima, Ikiye ahanjikile kuli vakakuluka kuhichila muli tupolofweto.” Omu mukiko Ikiye atela kuhana Mujimbu Wenyi, kuhichila muli kapolofweto Kenyi.

⁷⁶ Kalunga mwaya nakutuma kapolofweto Kenyi nge Elija, Yelemiya, Isaya. Kaha kachi enu namuya nakutalisa kanawa, kanda lyehi mumujimbu wakano kaye, kanda lyehi liuka lisolole kapolofweto. Litondelenu echi mu Tesitamende Yamwaka, Tesitamende Yayihya, mokomoko muli lino likumbi, mu likumbi lya makumishilo. Ngulwekenu kala kapolofweto apwile wakulishila muliuka muli lino likumbi. Ngulwekesenu hiya eza lyehi, kulovoka. Kaha ngulwekenu lwola lumwe uze kapolofweto, ngamba ya Kalunga, kaha jila yavakakwambulula vamuno mukaye kavamupaishileko.

⁷⁷ Shinganyeka hali echi. Yelemiya, Isaya, kushikumuka nakuhita mu Tesitamende Yamwaka, vakiko veji kupaisanga. Yesu ambile ngwenyi, “Enu mweji kushika vimbumbe vya tupolofweto nakuvilingisa kupwa vitoma, kaha enu mwavahakile muze.” Echi chakwoloka.

⁷⁸ Eli liuka kutwalilaho ngachize. Tala hali Mukakujila Patrick. Enu vathu vamu Katolika muli nakumuvuluka ikiye. Ikiye keshi cheka Katolika ko kuhambakana Yami. Echi chakwoloka. Oloze enu muli nakumuvuluka ikiye.

⁷⁹ Tala hali Mukakujila Francis waku Assisi. Kulivuluka ikiye. Ikiye keshi cheka Katolika ko kuhambakana Yami.

⁸⁰ Tala hali Joan of Arc. Enu mwamochele chikupu, nge muloji, mwomwo ikiye amwene vimweno kaha mukashipilitu. Kumwocha chikupu. Kaha uze pwevo atetele kachi kumutetela, kaha vakiko vamwochele chikupu. Ha myaka handulendi kufuma haze, vakiko wawanyine nge ikiye apwile kapolofweto wapwevo. Ikiye apwile ngamba ya Kalunga. Mamalelo, mukiko vene unalingi mulonga waunene: mwavafulile mijimba ya tupilishitu nakuyimbila mumeya.

⁸¹ “Enu mwachikile vimbumbe vya tupolofweto, kaha vase mwahakilemo.” Chakwoloka. Kanda lyehi zachiso yakuneha muthu wa Kalunga; kanda lyehi, keshi na lelo ko, kaha kayeshi kuhasako. Kulifukula chakulivwasana kanda lyehi chipwenga cha Kalunga.

⁸² Liuka lya livwasanyine mu kaye kosena muliuka lya Katolika; Luther, wamuchivali; kahajino kwejile Zwingili; hanyima ya Zwingili, kwejile Calvin; Calvin, lika, va Anglican, Anglo-Saxons kusoloka, vakushisamo liuka lya Anglican; kaha Mwangana Wakusokoka cha Eyite, omwo afumbukilile, na vyangocho; kaha kushikumuka kuli va Wesley Mesondisiti, na Nazaleni, Pilgrim Holiness; kaha kushikumuka nakusongo, Vapendekosita, vosena vapwile vakulivwasana. Kaha eyi Mbimbiliya yatangisa hatoma to nge liuka lya Katolika linapu—linapu pwevo wakusauka, kaha mauka a Vakakulikanga na mazavu avo ali vana venyi vamaapwevo, Kusoloka 17. Echi chili vene chakwoloka. Shikaho vakiko vali . . .

⁸³ Keshi nge vathu, jino. Muli kuwaha mumauka osena; vakakujila, vathu vakulwila. Oloze Kalunga keshi kuvuluka vathu Jenyi ha lizavu. Ikiye eji kuvavuluka vakiko kupwa muthu ukawenyi. Kalunga azata na muthu hakapanji, chipwe ove wapwa Mesondisiti, Mbaputishiti, Vakakulikanga, na Katolika, mokomoko mwosena omwo wapwa. Kalunga, shimbu kanda kwala chihela cha kaye, munatachikiza, kaha kutongwela ku Kuyoya cha Hayamyaka, mokomoko chipwe enu vakutongola ku kujimbala cha Haymwaka. Keshi . . .

⁸⁴ Ikiye apwile wakulizanga nge watela kunongako, enu namuya nakunonga. Oloze, Ikiye kupwa wakutachikiza lutwe

na nyima, Ikiye atela kutachikiza makumishilo kufuma kumaputukilo, mokomoko Ikiye keshi Kalunga ko. Shikaho Yesu kanda lyehi ezenga hano hamavu nakuhanjika, “Chamwaza, Nanguya nakumona kachi muthuumwe napu keke...Kachi Nangufwila na kufwa, mujila yakukola, vakiko navaya pamo nakushinganyeka, ‘Chamwaza, Nguli...’ Nachiya—nachiya nakuvashijila michima yavo, kaha vakiko navaya...” Kalunga kanda kulandula mulimo Wenyi ngachizeko.

⁸⁵ Yesu ejile na punga yimwe, chize, kulwila vaze Kalunga, shimbu kanda chikuku cha kaye, vatachikijile nge navalwila. Ikiye ahanjikile ngocho. Echi chakwoloka. Shikaho enu muli... “Kacheshi kuliuze mwazanga, mokomoko kuli mwalaha; chinapu cha Kalunga mukakusolola keke.” Paulu mukiko ahanjikile. Muthu youmwe hano.

⁸⁶ Ikiye ambile ngwenyi, “Ou ukiko mulonga Kalunga nahase kuhanjika, shimbu kanda Esau mokomoko Yakova asemukile, Ikiye ambile ngwenyi, ‘Ngwazanga umwe kaha mukwavo weka ngwamujinda.’” Shimbu kanda kanyike walunga asemuke, Kalunga atachikijile nge Esau apwile wakuzeya, kaha Ikiye atachikijile nge Yakova apwile nge...ikiye azangile utwatwa. Shikaho Ikiye atachikijile, shimbu kanda kaye vakatenge, hali chize. Jino, etu natuya nakuwana mu munyutu Hiya uze achitachikijile. Ou kapetulu achikwechi.

Kalunga,..mulwola lwakushikulu na mujila jakuhandunuka hanjikile...kuli vakakuluka kuhichila muli tupolofweto,

Hakukumisa chamakumbi ano nahanjika kuli etu muli Mwanenyi,...

Chinalingika ika? “Nahanjika kuli etu mumakumbi akumakumishilo kuhichila muli Mwa Nenyi.”

⁸⁷ Jino, nauya ngachilihi nakushinganyeka, nge, mwaya nakupwa ngachilihi kapolofweto? Muya nakupwa na kapolofweto jino wamuno mulikumbi? Mukikovene. Ikiye mwakaya Nakuhanjika kuli etu? Punduvene. Oloze ikiye uze...Vaze tupolofweto va mwakapwilenga Shipilitu ya Yesu Kulishitu.

⁸⁸ Jino, echa tupwenga hatoma, mwomwo Kangweshi nakushinganyeka nge vili nakwingila. Jino, eyi ili nge shikola ya Chalumingo, shikaho etu twatondo kupwa nacho hatoma. Talenu?

⁸⁹ Talisenu. Echa tumbate Shipilitu ya Kalunga ize yapwile muli Mose, kukupuka...kuneha muvwimbimbi wa Yesu Kulishitu. Yosena ya Tesitamende Yamwaka vilinga kuneha kulusu. Mose, kusemuka kupwa mwana wambwende, kumusweka muchizuma, kumufumisa kuli visemi jenyi, navyangocho, kaha apwile...Ikiye apwile mwangana, mokomoko kupwa—kupwa twamina, mukakuhana

jishimbi, mukakwimanyinako, kapilishitu. Vyuma vyosena kwimanyinako Kulishitu.

⁹⁰ Tala hali Yosefwa, wakuzanga kuli ise, vamujinjile kuli vandumbwenyi, na kuvаланjishile na seti shilingi ya palata. Kumumbila muwina, nge afwenga; kumufumisamo. Mukuyana chenyi, mukakuzata kulimwangana vumulwilile, kaha mukakuzata kunyama ajimbalile; veji vavali kukulusu. Kaha jino omwo ikiye alovokele, ikiye asangukile muwina, kaha atwamine kulivoko lyachilyo lya Fwalo, umwe wamunene... lize—lize—lize lifuchi lyavetele kaye kosena. Kaha naumwe muthu ahashile kwiza kuli Fwalo kuvangila vakiko kwiza kuhichila muli Yosefwa; Yesu natwame kulivoko lya chilyo lya Kalunga, kaha kakweshi muthu mweza kuli Kalunga kuvangila kuhichila muli Kulishitu. Kachi nge Yosefwa mwafuma halize litanda na kuputuka kuya, malunga vayile kumeso a ikiye, kutambakana na jindolombita, chivwumino cha ndolombita, kuhanjika, “Nongamenu nakufukama! Yosefwa ali nakwiza.”

⁹¹ Kaha omwo Yesu mwakeza, ndolombita nayikavuma, kaha mambuli osena nawakanongama, kaha lilimi lyosena kwitavila. Eyo, mwane. Mukiko Ikiye apwilenga.

⁹² Kaha omwo Yosefwa afwile, ikiye avasele kupwa chakwanukila vakiko vaze vapwile nakuvandamina kusokoka.

⁹³ Ngunahake livoko hakofini, hano vene keshi kunyima chikumako, yapwile yakutungana lead. Kaha mujimba wenyi watelele kutwama...navifuwa vyenyi...Ngwenyi, “Kanda mukangufunda hanoko, mwomwo likumbi limwe, Kalunga ali nakuya nakukutambukila.” Ikiye apwile kapolofweto. “Kalunga mwaya nakumitambukila.” Kaha ambile ngwenyi, “Omwo enu namukaya kulifuchi lya lushiko, kambatenu vifuwa vyami.”

⁹⁴ Kala wosena ka Hepeleu, ali wakufwana ngachilina manyinga, nahase kutala muze mukofini na kuhanjika, “Likumbi limwe, etu natukaya nakulovoka.”

⁹⁵ Yesu asele hakwanukila, chimbumbwe chaupolongwa. Likumbi limwe omwo etu natuya kuze kuchimbumbwe, kaha vamwe vakuzanga jetu, na kwivwa vaze vavandende vamwaka, omwo vakiko vahanjikile, “Uto kuuto, kaha lukungu kulukungu, mavu kumavu.” Oloze, ndumbu walunga, etu tunahase kutala kusali ya kalungalwiji, kuchimbumbwe chaupolongwa. Likumbi limwe, etu natuya nakulovoka muno. Etu tuli nakuya Kwimbo. Ikiye ali nakwiza. Vyuma vyosena vyapwile vyakufwanyisa.

⁹⁶ Tala hali Ndavichi, wakukana kuli vathu jenyi, kumufumisa halitanda kuli vathu jenyi. Hakupwa mwangana wa Yelusalema, vamufumishile mu Yelusalema kuli vathu jenyi. Kaha omwo ikiye ayile Kupili ya Olive, ikiye atalile kunyima na kulila. Ikiye vamuhungile.

⁹⁷ Myaka eyite handulendi kufuma haze jino, uze Mwana Ndavichi, Mwangana wa Yelusalema, kutwama hapili na kulila, mwomwo Ikiye vamuhungile.

⁹⁸ Ize yapwile Shipilitu ya Kulishitu muli Ndavichi. Mivwimbimbi yosena yili nakwimanyinako kulusu. Vaze tupolofweto va kunyima kuze vahanjikile mu Lijina Lyenyi. Vakiko vayoyele mu Lijina Lyenyi. Vakiko valingilenga mu Lijina Lyenyi. Punduvene. “Kalunga mulwola lwakunyima kaha mujila jakuhandunuka ahanjikile kuli vakakuluka kuhichila muli tupolofweto, oloze muli lino likumbi kuhichila muli Mwa Nyeni.”

⁹⁹ Shikaho vaze tupolofweto na vathu vakashipilitu, likumbi lino, chinapu kaha kusoloka cha Kulishitu. Kuze, ha lushimbi vakiko vemanyine, tala. Hano vakiko vanemana, kutala kunyima kusali ikwavo, kuhichila mu likoji.

¹⁰⁰ Nge mu Hepelewu 11, kapetulu wamakumishilo, Ngweji kulikomokela kakavulu. Mu kapetulu wamakumishilo, chihanda cha kapetulu 11 wa Hepelewu, omwo ikiye ahanjikile hali Apalahama. Luze lufwelelo lwalunene, kaha kumakumishilo, ikiye ngwenyi, “Vakiko vakimbwojokele mumalambu amikoko na mumalambu avapembe, kaha vapwile vakuyanda, kaha vavapulile najipoko. Vakiko vakimbwojokele, nachihela chakuya chauchi, vamuinjile na kumukana, kaha vavayanjishile. Vakiko, kano kaye kakeshi kutela kupwa navatu kanako.”

¹⁰¹ Kahajino Paulu nemana na kuhanjika ngwenyi, “Oloze chakuzeneka etu vakiko kaveshi kupwa vakukupukako.” Mwomwo vakiko vatalile kaha *ku* kulusu, kaha etu tweji kutala *kuhita* mukulusu. Etu tuli na Shipilitu ya Kulishitu hanyima ya Echi yejile nakupwa musonyi kaha atwamine mukachi ketu. Etu tuneza hano ha Shipilitu Wajila, eyi ikiko punga ya mwaza.

¹⁰² Kaha lwola lumwe Ngwalikomokela chuma muka Ukulishitu uli nakuvandamina lelo. Mukakunangula kuya nakwingila mumbaka atela kupwa...mokomoko liuka limwe lyalihya mokomoko kuhizumuka chachihya, kulivuluka lyavene kupwa kapolofweto, kutambuka nakuya kuze, kuhanjika, “Chamwaza, kachi vakiko navaya nakunguhana yami munganji mukananga. Kachi Nanguhasa kupwa na motoka yamwaza. Kachi vakiko navaya...Kachi nge fweto yami navaya nakuyikatula mutukweji sikisi.”

¹⁰³ Kachi etu twatela kupwa na chamwaza. Etu twatela kupwa na mazuvo amwaza. Etu twatela kupwa na uvwalo wamwaza. Chumamuka etu natulinga omwo etu natwimana kumeso avaze malunga vakimbwojokele, mumalambu avapembe na mumalambu amikoko, nachihela chakuhaka mitwe yavo chauchi, kukimbwojoka muze mupambo? Kaha muthuumwe nahase kumusekeleka etu kaha etu tuli vakulizanga kwecha

liuka kaha kanda kukinduluka cheka. Chuma Ukulishitu uli nakutonda lelo. Etu twatela kupwa vakupwa nasonyi yayetu vavene.

Ove Kalunga, tuvwile keke.

¹⁰⁴ Mulikumbi lize, Ikiye ahanjikile kuli tupolofweto, oloze eli likumbi kuhichila muli Mwana Nenyi. Lize lyapwilenga lizu lya kapolofweto, kuze. Eli linapu Lizu lya Mwana, lelo. Mamalelo, kukisula chipwenga Lijina lya Mwata!

¹⁰⁵ Mujila ikwavo, kachi ove uli nakutala hamuvwimbimbi, kusali yikwavo, ove unahase kuluwisa. Oloze Echi vanachitomesa, chize chifwanyisa chili zwalala. Chize chinapu kuhichila muli kapolofweto; ou ikiye Mwana Nenyi. Chikiko chize chakusali yakuhona; ize ikiko chili ha kumoneka. Amena. Enu mwachimono? Kakweshi numba lihanya lya kujimbalako. Echi chinapu chuma chakutamo, lino likumbi kuhichila muli Mwana Neyi. Mamalelo, omu chawaha!

. . . *hiya ikiye atongwele kupwa swana* . . . (Mamalelo, yami!) . . . *swana wa vyuma vyosena*, . . .

¹⁰⁶ Chumamuka echi? Chapwile chakwimanyinako. Mamalelo, ivwulila. Ikiye apwile wakatongola, Kulishitu apwile, swana wa vyuma vyosena. Mamalelo, liyavolo atachikijile chize, kufuma mulitepa lya Milemba, enu mwamono, omwo liyavolo ewwile lize Lizu haze lize likumbi, mukusopesa cha vathu. Ngwenyi, “Mwomwo ove wafuma mulukungu, kukiko naukakinduluka cheka; kaha pwevo napu Mbutu ya linoka nayikaya nakuchika mutwe wa linoka.” Mbutu ya lushiko.

¹⁰⁷ Satana atwalileho kutala hali ize Mbutu. Omwo Avele asemukile, ikiye ngwenyi, “Uze haze, ize ikiko mbutu.” Kaha ikiye ajihile Avele. Mwanenyi walunga, Kena, ajihile Avele. Kaha haze vene Avele afwile, ikiye ambile ngwenyi, “Ngukwechi mbutu.” Ikiye ajihile echi. Ikiye ambile ngwenyi, “Ngukwechi echi.” Oloze, kufwa cha Avele, kusemuka cha Sete chapwile kusanguka cheka. Tala omwo vakiko vejile nakushikumuka.

¹⁰⁸ Uze mukana wa Sete, wejile nakushikumuka, kulinyisa, muthu wakwoloka; kushikumuka kuhichila muli Enoch; kushikumuka nakuli Noah, mbwe nakusongo ya kwenyeka cha livaji.

¹⁰⁹ Tala hali mukana wa Kena, ejile nakupwa wautongwe, wakatanga, sayasi. Kumana eyi Mbimbiliya kayahanjika. . . Kumana Yesu kahanjikile ngwenyi, nge, “Vana va mukaye vali vakutela kuhambakana Vana va Wangana”? Tala kusali ya Kena lelo: wautongwe, wakatanga, wakufwana nge kulifukula; talenu, kupwa vene vakakulifukula, oloze ma sayatisiti, vindume ja malunga.

¹¹⁰ Mbatenu malunga vavaundume. Tala hali Thomas Edison, malunga vavanene vavavulu. Tala hali Einstein, aze mawongo

a kaye, shikaho vavuluka, lelo, aze mawongo a kaye. Oloze etu katweshi na kweseka kuzachisa mawongo ko. Etu tunechenga Muchima uze wapwile muli Kulishitu, na kutala hali eli Lizu, na kuvuluka echi ngocho.

¹¹¹ Mandotolo vakuchipatela, chipwe etu tulinakuvameneka na kalachuma etu tukwechi, oloze vavavulu vase vakakukakasana, vakakuyayavala. Tala hali uze wautongwe na vathu vosena lelo. Vakiko vali kusali kuze, Kena kusali.

¹¹² Oloze tala hali mukulikehesa na kuvova. Kuli kusanguka cheka. Mamalelo, kukisula chipwenga ku Lijina lya Mwata! Yenu haze. Tachikizenu.

. . . ikiye amutengele ikiye *kupwa swana wa vyuma vyosena, muli ikiye nawa mukiko atungile kaye;*

Hiya atungile kaye? Kulishitu. “Kulishitu atungile kaye?” Eyo, mwane. Echa tuyenga kulutwe chindende.

Ikiye kupwa kumunyika cha upahu wenyi, kaha kusolola chifwanyisa cha kupwa chenyi, . . .

Chize kumunyika cha Upahu? Upahu wa Kalunga. Kusoloka chifwanyisa cha Kumunyika Chapwileko? Kalunga. Mamalelo, Ngwazanga echi!

. . . mokomoko *ikiye henyihenyi, nomu apwa hakuzundulanga vyuma vyosena na lizu. . .*

Yenu haze vene. Eli Lizu, lize vanakwate vyuma vyosena. Yesu ambile ngwenyi, mu Mateu 24, “Melu na mavu navikahita, oloze Mazu Ami kawechi kahitako.” Ikiye ahanga havyuma vyosena.

¹¹³ Sayasi kweseka kushikumuka Echi, na kuhanjika, “Unapu Mukanda wamwaka. Echi vanachinungulula.”

¹¹⁴ Numbathuhu liuka lya Katolika lyamu Loma, Mbishopu Sheen ambile ngwenyi, “Chize vanachilumbununa kapapa kawana mokomoko katanu, kaha keshi chikuma muli Echiko. Ove kawatela kuyoyela hali Echi ove upwenga.” Oloze Ikiye akwachilile vyuma vyosena ha Lizu Lyenyi. Amena. Omu mukiko Ngwashinganyeka hali Echi. Ngwafwelela eyi Mbimbiliya.

. . . *eli lizu lya ngolo jenyi, (kuli ngolo mu Lizu), omwo ikiye apwilenga na lyavene kupwa wakutomesa jishili jetu, . . . (tala hano) . . . kutwama kulivoko lya chilyo lya Wakulitulaho helu;*

¹¹⁵ Chuma muka Paulu kweseka kulinga? Ikiye ali nakweseka kusolola nge Kalunga ajinyine vyuma vyosena muli Kulishitu, kaha Kulishitu apwile kusolola chifwanyisa cha Kalunga. Vaze vosena kapetulu kupwa na Ikiye apwile helu kuhambakana Vangelo, kuhambakana ngolo josena. Vangelo valifukwile Ikiye. Paulu apwile nakweseka kukutohwesa Ikiye.

116 Jino, Ngwatondo kweseka...Kachi Nanguhona kupwa hamwe kuhambakana echi, chuma chosena chili hatoma to Kulishitu. Omwo Paulu ahanjikile hano, nge mu kapetulu 11, kaha vosena kuhanjika hali kaye. Ikiye ambile ngwenyi, “Chumamuka—chumamuka Kangelolo alingile Ikiye kuhanjika, ‘Ove yove Mwana Walunga, likumbi eli Nguli na munwe Ove?’” Talenu?

117 “Uze makumishilo wa kaye, vakiko navakaya nakunonga. Aka kaye nakanonga. Oloze va...Kaha vyuma vyosena vya kaye navikanonga. Ikiye kuya nakuvavunga nge chikuto. Vakiko kupwa vakulwane, kaha kwalumuka, kaha kuya. ‘Oloze Ove unasale. Ove unasale hayamyaka. Ove ove Mwana Nami. Eli likumbi Nguli na munwe Ove, kaha kaweshi kukanongako, kutwama kulivoko lya chilyo lya Wakulitulaho.’”

Chumamuka *livoko lyachilyo* kulumbunuka? Keshi, Kalunga kupwa na kulivoko lyachilyo kuli muthu umwe kutwamako. *Livoko lyachilyo* kulumbununa “ngolo na ngolo,” ukwechi ngolo ja Mwilu na mavu. Kaha Melu na mavu vanawatenge kuli Ikiye.

118 Jino, Hiya ou Mukweze wamunene, ou Mukweze wamunene, Kulishitu? Hano, Kalunga muli Tata, Mwana, na Shipilitu Wajila, keshi...Echi chinapu chatulunga vatatu, oloze Echi kacheshi tulunga vatatu ko. Echi chinapu ufwishi ya tulunga vatatu, ya Kalunga umwe.

119 Ikiye apwilenga Tata kutwaminyina vana va Isalele. Ize yapwile ufwishi Yenye, Yehova wamunene Tata. Kaha Ikiye atwamine hamavu, nakumusanyika Mwana. Kaha jino Ikiye atwama mu Liuka Lyenyi, vavuluka kupwa Shipilitu Wajila. Keshi Tulunga vatatuko; Kalunga umwe mujiufwishi jitatu: Tata, Mwana, na Shipilitu Wajila.

Vathu veji kwesekanga kumulingisa Ikiye kupwa Tulunga vatatu, Kalunga Tata. Ou ukiko mulonga, va Yuleya, enu kamweshi kuhasa, enu kamweshi kuhasa kuneha echi kuli va Yuleya, nduma, chize. Ikiye keshi kuhasako. Ikiye akwechi lushimbi, luze, “Yami Umwe Kalunga.” Kuli kaha Kalunga umwe.

120 Mu Africa vakiko veji kujimika mujijila jakuhandunuka: vakiko veji kujimika kamwe kuli Tata, kaha kakwavo hali Mwana, kaha umwe hali Shipilitu Wajila. Luze Lufwelelo lwa Apositolice Faith mission, vakiko kujimika kapapa katatu, kutalisa kulutwe, ku kufwa Chenyi. Chize veji kuvulukanga kupwa Kuzala cha Mujimbu wamwaza Kungenge ya Kumulauko, mokomoko Kungenge ya Kumututuko, kujimika kapapa katatu kunyima, ngwavo Ikiye...mu kufunda Chenyi.

Kaha ikiye ngwenyi, “Omwo Ikiye afwile, Ikiye aholokele kulutwe.”

¹²¹ Mukwavo ngwenyi, “Vandamina. Ove uli nakufunda muthu hanyima yenyi.” Kupwa kaha navyuma chindende jijila, omwo, vakiko vanapu vosena vakuhenga; vosena vavali vakuhenga, kutesekeka na Chisoneka.

Echi chikiko Ulime Tumime. Echi chakumishile echi.

¹²² Jino, hano, echa chifwanyisa kaha chumamuka—chumamuka chinaoloka nge, ufukuuno. Hano echi chili, kachi ove unatondo kumona echi. Mu myaka yosena twende faifi Ngunapunga mukakuzata, Ngunangwile chize. Kaha Ngweji kulikomokela kakavulu mawana muliuka. Aze anapu mawana? Upolofweto, kuhanjika na malimi, kulumbununa malimi, kusoloka cha Ukalunga, navyangocho, nge vosena navakeze kuhichila muli Kulishitu.

¹²³ Jino tala. Kulishitu napu Mutwe wa vyuma vyosena. Kaha Ikiye napu Mutwe wa Liuka. Kaha enu mwamona lyehi diamond? Diamond yayinene yize vanapazula kanawa, yikwechi lilolwa lyalindene kufuma hano, kulifumisako. Chize chikiko chinalingisa diamond yakwoloka. Aze malolwa chumamuka? Ize diamond yivene, mujila yechikwizanga, vanamuchiki mutwe; diamond yivene, omwo navayiwana.

Ngwapwile mu Kimberley. Ove, enu vavavulu, uze amivwile kumbata diamond mujila, ize ya kwoloka. Billy na Yami, kaha Mukulwane Bosworth. Uze kolokoko wamu Kimberley mukoti wa diamond, kumbata . . . Ikiye apwile uze mukakulama kuchikolo chakuliwanyina. Kaha vakiko vahashile. Kaha kulovoka . . . Vakiko vawafulile, mamalelo, pamo seveteni handulendi feti mwishi yamavu. Vakiko vejile nakulovoka, lilolwa lyausombo, lyausombo chikupu, nge lilolwa lyausombo ove kupwa hano. Kaha hali vaze valihata navo, vakiko kuhaka vakiko seveteni handulendi feti mumavu, kufula, kulama ndando. Ove nauya kusali yakalwiji, vakiko kupwa wakulama milosi jihandulendi. Mbata jimbaketi jivali ja teni gallon, ikiye ambile ngwenyi, kaha kuchimbata, wakuzala na—na usekeseke, kaha kachi ove nauya kwimbo na echi, ove kupwa multimillionaire, nauya nakupwa naji diamonds muli chize. Oloze vakiko atela kuzata na mukoti ukwavo, kulama fweto hali vakiko.

¹²⁴ Jino, ize diamond, omwo yejile, echi chili chachinene, chisenene, kujinguluka, nge, chihanda cha ngilashi. Kuli diamond yausombo, diamond yilava, emerald, kaha diamond, diamond yitoma. Oloze omwo yejile . . . Jino omwo yapwile nakuhaka mukuzachisa, kuli chihanda cha diamond yatela kukasunuka. Kaha yatela kukasunuka na—na vihanda vyakufuma. Kuvatula malolwa amandende, mwomwo, omwo naiza mukumunyika, nge *ngachize*, yeji kulingisa kuvyakuma. Kaze kalilolwa, lyapwile nakuvyakuma, mujila yinavatuka. Echi chinapu chakuvathu, kaha jino, omwo echi chalingika,

yeji kulingisa kuvyakuma. Kaha umwe mwaya nakumunyika chamafwo amatamba, yikwavo kuya nakupwa kumunyika cha usombo, kaha pamo mukwavo, kumunyika cha emerald, kaha kumunyika chichila. Kaha kumunyika chakuhandunuka nachiya nakufuma kuli echi, nge ulombo wa kongolo. Vakiko veji kuchisanyikanga, “kakahya mu diamond.”

¹²⁵ Jino, hali wosena uze kumunyika kwimanyinako mawana. Oloze chili, kahako, Kulishitu apwa Diamond. Kaha Ikiye apwilenga Umwe Uze ejile, kaha apwilenga wakutawa, kaha vamulemekele, kaha wakumine, nge Ikiye nahase kusolola Lyavene kunyima nge Kumunyika ku kaye. Ikiye Mukakunangula Diamond.

¹²⁶ Munahase kushinganyeka, shimbu kanda kupwenga mavu, shimbu kanda kupwenga kumunyika, shimbu kanda kupwenga tanganyika, shimbu kanda kupwenga chuma? Kuli Kaselwoke wamunene kuya nakulovoka, mu Shipilitu, na kufuma muli ou Kaselwoke ejile nakupwa utoma wa zangi, mwomwo kuze kwapwilenga nachumako kufuma muli ize zangi. Jino, etu, tweji kuvulukanga ngwetu zangi, lelo, apwa zangi ya kuchongonona. Oloze kupwa kaha nakulema, mokomoko chachindende uze ize atuzanga etu, yalumwine kujina chetu.

¹²⁷ Jino kuweluka kwiza kalwiji mukwavo, kufuma mu Kaselwoke, ize Diamond, kaha vachisanyikile kwoloka, mukiko vene chakwoloka. Jino, ou ukiko mulonga etu twatela kupwa na lushimbi. Ou ukiko mulonga chatela kupwa kusopesa. Kachi kakweshi kusopesa kacheshi kuhasa kukavangiza lushimbiko, lushimbi kalwalingila mwamwazako. Kaha omwo kusopesa chejile ha lushimbi, echi chanehele kufwa, kaha kakweshi umwe mwahasa kufweta ndando oloze Kalunga Lyavene. Kaha Ikiye afwetele ndando ya kufwa chetu, kaha ambachile shili jetu hali Ikiye, mangana etu tupwenga mukwoloka cha Kalunga kuhichila muli Ikiye.

¹²⁸ Jino, omwo eyi Kumunyika chachinene chalovokele, mokomoko wamunene wa Shipilitu: zangi, kuunda, mukiko kaha chapwile, Mukiko kaha. Kakwapwile numba kuyanda ko. Kakwapwile numba—chipwe chijindo, chipwe chijindo; kachafuma kuli ou Kaselwoke ko. Uze apwile Yehova. Uze apwile Yehova Kalunga. Kaha jino, nge mukakunangula, uze mujimba wamushipilitu kufuma muli Chize, uze apwile wakusanyika, mu Chisonaka, uze “Longosi,” ize Longosi ize yalovokele kufuma muli Kalunga. Echi chinapu chachikalu kulumbununa, oloze Chize chapwile chihanda cha Kalunga.

¹²⁹ Jino, hano hakiko chasolokele. Mamalelo! Lisesa mwane. Ngu—Nguli—Nguli kaha na kumbata echi, echi chinangulingisa kupwa haze vene Ngwazanga echi. Talenu? Ize Longosi, kaha ou Kaselwoke wamunene, ou Kaselwoke wamunene wa Shipilitu uze kapwilenga na maputukiloko mokomoko makumishilo;

eyi Shipilitu yayinene yaputukile kutunga, mu tengeso, kaha ize Longosi ize yalovokele kufuma muli Apwilenga Mwana Kalunga. Echi chapwile kaha kulumbununa nge Shipilitu apwile nacho. Kaha Echi chapwilenga cha mujimba wamushipilitu, kulumbununa mujimba, kaha mujimba wapwilenga nge muthu.

¹³⁰ Mose amwene Echi omwo Echi chahichile . . . ha—ha lilolwa. Kaha ikiye atalile hali Chize, ngwenyi, “Echi chasolokele nge chifwiko cha muthu.”

Uze unapu muyachi woumwe wa mujimba uze etu kutambula omwo etu natufwa hano. “Kachi eyi mbalaka yamavu nayiyengunuka, etu tukwechi yimwe yinavandamina.” Chize chapwile Echi. Kaha chize chapwile cha mushipilitu uze apwile Mwana Kalunga. Uze Mwana, ize Longosi, yejile nakupwa musonyi, mwomwo etu twahakile mumujimba. Kaha mujimba wamushipilitu, Longosi, kwiza nakupwa musonyi, hano mukachi ketu, kaha Kawapwile mwekako oloze chihela chakutwama, mwomwo Kaselwoke wosena amutwama muli Ikiye. Mamalelo, munachimono echi? Mukiko Echi chili. Uze apwile Umwe, uze, mu . . .

¹³¹ Talenu hano. Echa tufukununenu jino washi ku Hepelewu, kapetulu 7, chindende kaha cha—cha likoji, Kalunga kupwa wakulizanga. Echa tumone chumamuka nachisoloka hano. Apalahama!

Lwola muka etu tukwechi? Etu tukwechi minyutu teni. Chosena chakwoloka. Etu twachivwushisa, kahajino etu natukakumisa, chakushisaho, mokomoko Chalumingo, Mwata netava.

¹³² Apalahama apwile nakukinduluka kufuma mukujiha vya myangana.

Mwomwo ou Meuchizandeki, mwangana wa Salema, . . .

Vangahi vatachikiza kulihi, hiya, chuma muka Salema apwilenga ika? Yelusalema.

. . .mwangana wa Salema, mwangana wa Kalunga ou wakulitulaho, uze ali wanyine na Apalahama ha kukinduluka kufuma kukukujiha vamyangana, kaha amukiswile;

Ivwililenu.

Kuli hiya nawa Apalahama ahanyune vyakusokesa mumakumi vyakuvwuma vyosena; chatete kupwa kulumbununa uze Mwangana wa kwoloka, . . . hanyima yachize nawa Mwangana wa Salema, ou napu, kupwa Mwangana wa kuunda;

Keshi na ise, keshi nanayeko, keshi nachisemwako, keshi nahaze haputukila makumbi enyiko, chipwe nakukumisa chakuyoya; . . .

133 Uze Mwangana ejile nakusuluka kufuma ku Salema, kaha kuliwana na Apalahama kwiza kufuma kukujiha va myangana. Kaha ou Mwangana kahashile kupwa na tata, kapwile na naye ko, kapwilenga na maputukiloko mokomoko makumishilo akuyoya. Hiya Apalahama aliwanyine nenyi? Jino shinganyeka. Ikiye kapwile na tata ko; Ikiye kapwile na mama ko. Ikiye kanda lyehi apwenga na lwola luze Ikiye aputukile, kaha Ikiye kanda lyehi apwenga na lwola omwo Ikiye mwakaya nakukuma, shikaho uze Mwangana wa Salema atela kuyoya lelo. Amena. Enu mwamono echi? Wapwile mujimba wamushipilitu uze apwile Mwana wa Kalunga. Nyi Salema ika? Ize Yelusalema eyi ikiko Helu, nge Apalahama, kupwa wakukisula, apwile nakutonda, kuwana, kweseka kuwana Mbongi ize Ayitunga na Mukakuyitenga apwilenga Kalunga. Ikiye akimbwojokele mumalambu amikoko na mumalambu avapembe, kwosena, kuyandangila, kukimbojoka, kaha kutonda Mbongi yikwechi Ayitunga na Kuyitenga apwilenga Kalunga. Kaha ikiye aliwanyine na Mwangana wa Salema, kwiza nakushikumuka, kaha ikiye amufwetele Ikiye chakuhetesa mulikumi kuvyoseena vize akatambwile. Amena. Uze apwile Ikiye. Mamalelo, Ndumbu walunga Graham, uze apwilenga Ikiye. Uze apwilenga Ikiye.

Apalahama amumwene Ikiye cheka. Likumbi limwe ikiye atwamine mu mbalaka. Ikiye atalile, kwapwile nakwiza, kaha ikiye amwene malunga vatatu vapwile nakwiza.

134 Munatachikiza, kuli kaha chuma chimwe hali Vakakulishitu, nge ikiye atachikiza Shipilitu omwo ikiye eji kumonanga Echi. Omwo ikiye. . . Ikiye atachikijile kaha. Kuli kaha chuma chimwe Chakushipilitu hali echi. Vyuma vya Shipilitu vya Kushipilitu vinapu vyakutanga. Munatachikiza. Yaa, ikiye nahase kaha kuchambulula echi, kachi ikiye nasemuka vene chikupu. “Mikoko jami vatachikiza Lizu Lyami.”

135 Kaha ikiye atachikijile nge kuli chumachimwe. Ikiye alahile nakwiza kaha ikiye ngwenyi, “Twaya kuno, Mwata wami. Twama aha. Imana chindende kaha. Nanguya nakumbata kachihanda ka mbolo na kuhaka mulivoko Lyove. Nanguya nakusanyisa vipundo Vyove. Kunoka Ove lyavene, kahajino unyenga lika muungeji Wove, mwomwo Ove—Ove uneza nakungutambukila.” Muze mulifuchi lya mokomoko, kusakula jila yayikalu, jila yimwe navaze vandende va Mwata vakuhunga.

Shimbu, Lote apwilenga wakuyoyela mu luheto, muhya wenyi kuze, oloze ikiye apwile nakuyoya mushili. Mukiko chapwa kakavulu luheto lweji kusema shili.

136 Shikaho Apalahama Avanehele, shimbu ikiye apwilenga na meya amandende na akusanyisa vimbundo Vyavo. Ikiye alahile nakumbata mwana ngombe, kaha ambachile mwanangombe wakununa kufuma mumulaka, kaha amujihile; amuhanyine

kuli ngamba, nakumuwahisa. Kaha ngwenyi, “Sala, wahisa unga wove.”

Munatachikiza omu chalumbunukila kuwahisa, echi, chalumbunuka. Enu munatachikiza, mama apwilenga na chamwaka, apwile na chuma chimwe nge lipulanga lyalindende, apwilenga nalyo mu—mu mbango ya unga. Enu mwamone lyehi kamwe nge kalunyungo? Kaha enu namupwa na kalipulanga muze, namunyunga unga, munatachikiza; kaha naupwawakulema nge *ngachize*, na kuunyunga kanawa, nge ngachize. Ngwemenenga mama kulinga ngachize, lwola lwaluvulu, kalipulanga, kupwa nachuma chimwe chakujinguluka kupwa na waya yakujingilika kuze. Ikiye ambachile unga na kupepa nge *ngachize*, munatachikiza, kaha kuupekula pekula, nge *ngachize*. Jino kumbata kaze kalipulanga nakuhalaho, nge *ngachize*, mangana uliwane. Kaha omu mukiko etu tunahashila kulinga nakupwa na unga wakuchika kuchikayo chamwaka; kaha jize jimbolo jamwaka, munatachikiza, jajilemu, jakutunga kufuma kumbolo yamanona. Enu munahase kupula mingowa likumbi lyose, hali iz mbolo kana.

¹³⁷ Shikaho jino, ambile ngwenyi, “Wahisa unga umwe, washi washi. Kaha ocha jimbolo hano vene halijiko, washiwashi.” Kaha vakiko vafumishile mavele angombe na kuwana mavele. Kaha vakiko vapwile, kuyiwahisa, kaha kuhakako mateka. Kaha jino vakiko vayile kaha vajihile mwana ngombe na kumbata nyama, kaha vakiko vochela nyama. Kumbata mateka, mbolo yamanona, kaha vakiko kumbata mateka kukako kuze kujimbolo. Mamalelo, yapwa yamwaza vene. Kaha vakiko kuyikwita yosena. Kaha ayifumishilemo, kaha kuyihana kuli vaze Malunga vatatu.

¹³⁸ Kaha shimbu Vakiko vapwile nakulya, Vakiko vatalilenga ku Satome. Kaha hanyima chindende, Vakiko vayile nakuputuka kutambuka nakuya. Kaha Ikiye ambile ngwenyi, “Apalahama...” Ambile ngwenyi, “Ove kaweshi kuhasa kuchilama kufuma kuli yami ko.”

¹³⁹ “Kangweshi kuhasa kufuma kuli enuko chuma muka Nanguya nakulinga. Nguli nakuya kuze. Jishili ja Satome jinahete mu litwitwi Lyami.”

Uze Muthu kana hiya? Uvwalo Wenyi wosena lukungu kaha, kaha natwame haze kulya nyama ya ngombe, kaha kunwa mavele angombe, kaha kulya mbolo yimwe jamanona, na mateka. Hiya ou Ngeji kana? Vavali, mokomoko vatatu muli Vakiko, kutwama haze. Uvwalo Wenyi wosena lukungu kaha. Mamalelo, yaa, “Etu twafuma ku Lifuchi lili kwakusuku.” Yaah, jila yayisuku. Kaha shikaho Ikiye ambile ngwenyi... Chamwaza, Vakiko vapwile Veya?

140 Ikiye ambile ngwenyi, “Kangweshi kuhasa kuhona kumulweka Apalahama ko, kumona nge ikiye apwa swana wa mavu.” Amena. “Nangusolola Vyami vyakusweka,” mujila yikwavo, “kuli vaze vanapu vaswana va mavu.” Omu mukiko Liuka lyatela kupwa lelo. Echi chakwoloka. Mbata Vyakusweka vya Kalunga, tachikiza omu mwakuvikwachila, kaha linga, kaha chumamuka chakulinga, kaha omu mwakutambukila, omu mwakuyoyla. Etu twapwa swana wa mavu. Chakwoloka. Ikiye kusolola Echi kuli enu, mwomwo Ikiye keshi kuhasa kulinga chuma chimweko. Ou ukiko mulonga etu tuli nakutala vyuma kana kwiza nakuhita.

Aka kaye kuhanjika, “Ha, lize lizavu lya vaka kuvayangila.” Echa vakiko kuhanjika echi. Swana wa mavu natachikiza evi vyuma kana. [Hatepu hapimbi—Muka.]

...mwomwo navakavavuluka kupwa vana va Kalunga.

Vakukisula vaze vanapu vavavovu: mwomwo navakaswana mavu.

Ikiye eji kusolola Vyenyi vyakusweka kuvitachikiza, kuvisolola kuli vakiko, kuvasolwela chumamuka vatela kulinga kaha nomu mwakuyoyela, kukana vyuma vya kaye; kutambuka cha muukalunga na kuyoyela muukalunga, muli kano kaye, kutambuka hamwe na Ikiye. Kwechela kaye kuhanjika chuma vakiko vanatondo kuhanjika.

141 Shikaho Ikiye ambile ngwenyi, “Kangweshi kuhasa kulama echi chiswamoko kufuma kuli Apalahama, mwomwo, hakumona ikiye napu swana wa mavu. Oloze,” Ikiye ambile ngwenyi, “Nanguya na kwenyeka Satome. Nguli nakuya nakushikumukamo.”

142 “Naukaya nakulinga ika, Mukulwane? Ove wafuma Kulihi? Nyi ngachilihi?”

143 Kwiza nakuwana, Ikiye ambile ngwenyi, “Kaha chuma chikwavo, Apalahama, ove wavandaminyine myaka twende ya lushiko Nanguya nakumihana. Ove ukwechi liso nge lya kajila, na—na jindongo na kalavyuma, mwomwo ou kemba, twende faifi ya myaka kunyima okwo. Ove hanga wanguvandamina Yami. Jino Nguli nakuya nakukutambukila ove, hatando kaha yalwola lwakuyoya, kutesekesa, na lwola lwakuyoya, kakweji ashishileho Nanguya nakupwa na ove.”

144 Kaha Sala, kunyima mu mbalaka. Kaha ou Lunga apwile nanyima kutalisa kumbalaka, kuhanjika kuli Apalahama, nge *ngana*. Kaha Sala ayile, “Huu!”

145 Ikiye ambile ngwenyi, “Chumamuka chinalingisa Sala kuseha?” Ha-ha-ha! Ngachilihi chize? Chize chapwile nge kutahisa, kachapwile ngochoko? “Chuma muka chamulingishile Sala kuseha?”

Sala ambile ngwenyi, “Nduma. Kangwaseheleko.”

146 Ngwenyi, “Mamalelo, eyo, ove walingimo.” Ikiye apwile wakulizakamina. Ikiye apwile na kuchikima. Hiya Uze, ahashile kutachikiza chuma muka ikiye apwilenga nakulinga kunyima muze mumbalaka? Uze napu Uze Kalunga youmwe uze ali na etu lelo. Youmwe Umwe. Ikiye atachikiza vyosena hali echi. Talenu? Ikiye nahase kusolola echi nge ove unatondo. Talenu?

147 “Ove uli nakuseha ika?” Talenu, Nyima Yenya kwalumuka kuli chize. Eyi Mbimbiliya yahanjika echi, nge, “Hanyima ya kwalumuka kumbalaka.” Oloze, Ikiye achitachikijile. “Chuma muka ikiye, kunyima kuze, kulinga *echi*?” Mwamono? Shikaho, Ikiye ambile ngwenyi, “Yami nanguya nakukutambukila.”

148 Hiya uze Ngeji kana? Munatachikiza chuma chasolokele? Ikiye atambukile hazevene nakujimbanganya. Kaha eyi Mbimbiliya yahanjika ngachize nge Uze apwile Kalunga wa Undume, Yehova, uze Kaselwoke wamunene, uze Mujimba waushipilitu wa Longosi.

149 Umwe mukakunangula ahanjikile kuli yami, lwola lumwe kunyima okwo, ambile ngwenyi, “Ndumbu walunga Branham, ove kaweshi kushinganyeka nge apwile Kalungako, unahase?”

150 Ngwambile ngwami, “Eyi Mbimbiliya ngwayo Apwile Kalunga, Elohim.” Hiya, Ikiye apwilenga Kalunga wa Undume, uze El Shaddai, echi chakwoloka, Mukakuhana Ngolo, uze Mukakusuulwisa. Amena.

151 Mamalelo, Ngulinakwivwa kulifukula! Shinganyeka hali echi. Hano hakiko chili, Ikiye vene. Jino Nguli nakuya nakumilweka Hiya Ikiye ali hano, kahajino enu namuya nakumona Hiya Mwana walunga. Uze apwilenga Yesu, shimbu kanda Ikiye apwenga na Lijina lya uthu, “Yesu.”

152 Kwimana kuze ku kaselwoke lize likumbi. Kaha mukiko vapwilenga nakunwa, munatachikiza, kaha, “Kupwa na meya apwilenga muze mupambo,” kaha vyuma vya ngachize. Ikiye ambile ngwenyi. . . Vakiko valile mana na vyangocho. Vakiko vambile ngwavo, “Ma Setu valile mana muze mupambo, ha myaka fwote.”

153 Ikiye ambile ngwenyi, “Kaha vakiko vali, vosena, vafwile.” Ambile ngwenyi, “Yami Mbolo ya Kuyoya yakufuma kuli Kalunga, yakufuma Mwilu. Wosena eji kulyanga eyi Mbolo keshi kukafwako.”

154 Ambile ngwenyi, “Chamwaza, va kakuluka jetu vanwinenga kufuma ku Shipilitu, kufuma ku Lilolwa lya mushipilitu lize lyapwilenga muze mupambo, lize lyavakavangijilenga.”

155 Ikiye ambile ngwenyi, “Yami ngu Lilolwa.” Upahu! Mukakujila Yowano, kapetulu 6.

“Mwomwoika,” vakiko ngwavo, “ika?”

“Eyo. Echi chakwoloka.”

¹⁵⁶ “Mwomwoika,” ikiye ambile ngwenyi, “Ove uli...Ove kaweshi na myaka fifite yakusemuka.” Mwomwo, mulimo Wenyi wamulingishile Ikiye kutala chindende wamwaka, oloze Ikiye apwilenga kaha seti. Ngwenyi, “Ove uli muthu keshi na myaka fifite yakusemuka, kaha ove muhanjika nge Apalahama, chize chinapu chakufwa mumyaka eyiti mokomoko nayini handulendi ya myaka? Etu tunatachikiza jino nge ove wapwa liyavolo.”

¹⁵⁷ Ikiye ambile ngwenyi, “Shimbu kanda Apalahama apwengako, NGWAPWA.” Ikiye Uze apwilenga. Hiya NGWAPWA? Likiko lijina lya chisemunino chosena. Chize chapwile...ize Panda ya mulangi Wakakahya muze muchiputa chakuwema, “NGWAPWA MU NGWAPWA.” Kuze Ikiye apwile, uze Shipilitu Ikiye atungile hano, kumuvuluka Mwana Kalunga, ou NGWAPWA, uze Yehova.

¹⁵⁸ Tomasi ambile ngwenyi, “Mwata, tulweke etu Iso kaha natuya nakusuuluka.”

¹⁵⁹ Ambile ngwenyi, “Ngunapunga lika na enu, Kamwangutachikizako?” Ambile ngwenyi, “Nge enu munamono Yami, enu mwamono Tata. Mwomwoika kuhanjika, ‘Tulweke etu, Ove, Iso’? Yami na Tata Yami twapwa Umwe. Tata Yami atwama muli Yami. Nguli kaha mbalaka vavuluka Mwana walunga. Ou Tata atwama muli Yami. Keshi Yami uze ngweji kuzatanga milimoko, apwa Tata Yami atwama muli Yami. Ikiye eji kuzatanga milimo, keshi Yamiko.”

¹⁶⁰ Jino, kwimana kunyima kuze, cheka, Mose amwene Ikiye, chize chanyima Nyenyi, ambile ngwenyi, “Kusoloka nge nyima ya muthu,” ize Longosi ize yalovokele kufuma kuli Kalunga.

¹⁶¹ Kahajino chasolokele ngachilihi? Uze apwilenga Kalunga. Kaha mulonga Ikiye ejile nakufuma mu Longosi kupwa musonyi...Ika?...Enu ngwenu ika...? Chasolokele ngachilihi kuli chize? Minyutu yitanu shimbu kanda chize, Ikiye apwilenga...Ikiye apwilenga Longosi. Oloze chuma muka Ikiye alingile? Ikiye olwele kaha...

¹⁶² Jino, mijimba yetu vayitunga kufuma muvyuma sikisiteni vya muno mukaye. Etu twatachikiza ngocho. Vautunga kufuma kumavu, na—na ku—na kuuto waundende, na—na maji, kaha kumunyika cha cosmic, kaha atoms, na vyangocho. Vyosena kupwa vyakukashila hamwe, kaha kutunga mujimba, kufuma mulukungu lwa mavu. Ove kulya vyakulya. Nge omu mulya kulya, ize yeji kufumamnga...kufuma mulukungu, kaha kufuma mulukungu, kaha kupwa kaha—kupwa kaha hazevene. Mujimba wove wanyama, nge omwo wapwa mujimba wanyama, kawahandunukako kufuma kuli kavalu, mokomoko kufuma kuli ngombe, mokomoko kalachuma cheka. Unapu kaha mujimba wanyama.

163 Kaha, kanyike walunga, ove mutohwesa nyama; oloze ize shipilitu ikwechi mwono muze, ndumbwami walunga. Echi chakwoloka. Oloze nyama yove yinapu lukungu lwamavu, nge kanyama. Nyama yove chochimwe na kanyama. Kaha kachi ove mupwa nalwiso lwamujimba na vyuma ove mumona, lwiso lwamapwevo, lwiso lwa vyuma vyakuhandunuka handunuka handunuka, ali kanyama. Echi chakwoloka. Echi chakwoloka. Ove kawatela kulinga chizeko. Ou Shipilitu ya Kalunga mwaya nakutwaminyina ove na kukuhaka helu chikuma kuhambakana muze. Echi chili vene chakwoloka.

164 Jino, kaha hano, ou Ukalunga wamunene kwimana haze. Ika . . . Uze Yehova wamunene Kalunga, munatachikiza omwo Ikiye ahanjikile? Ikiye ahetele kuze nakupwa nalivoko lyato na atoms, kupwa kaha nakumunyika chachindende, kaha kuhingunuinamo, nge *ngachize*, ayile, “Hee,” mujimba, kaha ikiye engililemo. Mukiko kaha.

165 Ambile ngwenyi, “Twaya kuno, Gabriel,” uze Kangelo wamunene. Ayile, “Hee.” “Kwingila muli *chize*.”

166 “Twaya kuno, Mikayele,” uze Kangelo kusali Yeniyi yachilyo. “Hee.” Mwomwo . . . “Enu mweji kwingila muli *chize*.”

167 Kalunga, na Vangelo vavali, vatambukile nakuya mumujimba wanyama, na kunwa mavele kufuma kuli ngombe, kulya mateka kufuma kumavele, kaha kulya na mbolo yamanona, kaha kulya nyama ya mwana ngombe. Vangelo Vavali na Kalunga. Eyi Mbimbiliya yahanjika ngocho. Uze ikiye Meuchizandeke, uze Apalahama aliwanyine nenyi, hakufuma kukujiha va myangana. Uze ikiye Mwana Kalunga.

168 Yako kulutwe, muno mu Hepelewu, kapetulu 7, ngwenyi, “Oloze ahanjikile nge Mwana Kalunga.” Uze Ikiye haze. Ikiye atangile vyuma vyosena kuli Ikiye. Kaha Ikiye atambukile nakuya kuze, kaha kwalumuna lukungu hazevene cheka kulukungu, kaha nakwingila Muupahu.

169 Kaha Vangelo, haze vene Vakiko vasokwele Lote na Pwevo Iya Lote, kaha ikiye atwalileho kutala kunyima. Ikiye ngwenyi, walwekele vakiko cheka. Kaha Vakiko vakindulukile nakwingila ku—ku Kupwa Kumeso a Kalunga.

170 Jino, ocho lutalililo lwalunene etu tuli nawo muli elu Lufwelelo lwalunene luze tweji kuzachilanga ufukuuno! Ou Kalunga wakuyoya, ou Yehova, ize Panda ya mulangi wa Kakahya, ali na etu. Kulisolola Lyavene mungolo, na kuzata, na kutowesa . . . Echa vakiko vakambate Chifwanyisa cha Ikiye, uze Yehova youmwe. Ou Mwana Kalunga ejile nakufuma kuli Kalunga, akindulukile kuli Kalunga, kaha atwama mu Liuka Lyenyi ha myaka namyaka. Mukiko Ikiye apwa.

171 Ikiye atwama namajina etu mu Mukanda Wenyi, hakulishinga nalushingo Lwenyi Ivene, mwomwo kakweshi naumweko wamunene kuhambakana Ikiye wakulishingilaho,

nge Ikiye mwakaya nakusangula etu mulikumbi lya makumishilo. “Wosena eji kulyanga Nyama Yami, na kunwa Manyinga Ami, ali na Kuyoya chahaya myaka na myaka, kaha Nanguya nakumusangula ha likumbi lya makumishilo. Wosena mweza kuli Yami, Kangweshi kamumbilako. Wosena mwevwa Lizu Lyami, na kufwelela hali Uze angutumine Yami, ali na Kuyoya chahayamyaka namyaka, kaha keshi kukeza kukumupaisako, oloze nahichi mukufwa nengila Mukuyoya.”

¹⁷² Uze Youmwe meheta kaha nakukwata livoko lyambe na uto na makala, kuya, “Hee,” enu haze cheka. Kaha lijina lyami lili mu Mukanda Wenyi. Ha-ha! Ha-ha-ha-ha! Chumamuka Nguli nakulizakamina namafwiwi akukunyuka, chipwe Nangushinakajiwa ngachilihi? Punduvane. Keshi kulizakamina chipwe chindende.

¹⁷³ Ndumbu walunga Mike, likumbi limwe hali awa makumbi, kukisula muchima wove, ndumbu walunga, omwo ize ndolombita yayinene nayikeza, nge chivumino, kaha nge Yosefwa kwiza. Haleluya! Ikiye mwaya nakuhanjika, “Vana!” “Hee.” Kuze etu natuya nakupwa, kututenga muchifwanyisa Chenyi; mukweze wa hayamyaka, chisemunuino chamwaka chahita lyehi; misongo, maukalu, maushona. Upahu upwenga kuli Kalunga wakuyoya!

¹⁷⁴ Uze Ikiye Eji kuhanjikanga kuhichila, lelo, Mwa Wenyi. “Mulwola lwakushikulu na mujila jakuhandunuka handunuka Ikiye ahanjikile kuhichila muli kapolofweto, oloze mu likumbi lya makumishilo kuhichila muli Mwa Wenyi, Kulishitu Yesu.” Ikiye kuhanjika kukala muchima wa muthu nge Ikiye asanyikile. Kachi ove wevwa lyehi Lizu Lyenyi mokomoko kwivwa Ikiye kungongomweza kumuchima wove, kanda Kulikanako.

Echenu tulombe.

¹⁷⁵ Tata wa Mwilu, ufukuuno, shimbu etu twawahilila kutachikiza, ha kusokolola Mukanda wa Hepelewu, omu Paulu ayile nakukinduluka kunyima mu Mujimbu wamwaza. Ikiye keshi kaha kumbata chize hakwivwa kaha mokomoko hakutachikiza. Ikiye atondele kutachikiza wapwa Muchano. Kaha ikiye akindulukile mu Mujimbu wa mwaza, kaha ikiye . . . kukinduluka mu Tesitamende Yamwaka, ou Mujimbu wangwile vakiko. Kaha ikiye amwene, kuhichila mu Tesitamende Yamwaka kuze, mivwimbimbi yosena na chifwanyisa. Shikangaho etu tukwechi Mukanda waunene wa Hepelewu ufukuuno. Kaha etu twamono Echi, Mwata, kaha etu twazanga Echi. Kaha kuhita muvisemunuino, Chinaweme, Chinapunga chakulimwanga, VanacheseKanga kulingika nacho, oloze Ikiye makimba mwomumwe. Mwomwo Ove unahanjika, “Melu na mavu nawakahita, oloze Mazu Ami kawechi kuhasako.”

¹⁷⁶ Kahajino kukakasana chiku kuhanjika, “Chamwaza, ove ngwove, ‘Paulu asonekele echi.’” Keshi Paulu ko, oloze Kalunga

uze apwilenga muli Paulu; uze atengele Kupwa mukachi ka Paulu.

177 Chochimwe nge muli Ndavichi, omwo ikiye ambile ngwenyi, “Kangweshi kwitavila Umwe Wami Wakujila kumona kupolako, chipwe Nanguseya mwono Wenyi muhetese.” Kaha Mwana Kalunga ambachile aze Mazu kufuma muli kapolofweto, kaha ayile nakwingila mu chikuku cha hetese. Kaha ambile ngwenyi, “Pula ino mbalaka, kaha Nanguya nakuyisangula Mumakumbi atatu.” Kaha Ikiye achilingile, mwomwo Lizu Iya Kalunga kalyeshi kuhonako; kamukila kamwe keshi kuhasa kuhonako. Omwo etu twasakwilila Kalunga hali echi, ou waunene Ulime Tumime, kaha kutachikiza nge kutachikiza chetu ufukuno, Mwata, kutemwina hali eyi Mbimbiliya hano! Etu twasemuka chachihya, kupwa na Shipilitu Wajila.

178 Kalunga Wamwaza, kachi kuli lunga mokomoko pwevo muno ufukuuno, kanyike walunga mokomoko kanyike wapwevo, uze kanda lyehi amone echi, vakiko vanahase kukatuka kachi kakweshi Kuyoya muze ko? Mamalelo, vakiko ngwavo, “Nguli na Kuyoya.”

179 Oloze eyi Mbimbiliya ngwayo, “Ikiye uze ayoya mukuwahilila ali wakufwa shimbu ikiye nakuyoya. Enu ngwenu muli na Kuyoya, oloze enu muli vakufwa. Enu mweji kuvulukanga,” ngwenyi eyi Mbimbiliya, “nge enu muli na Kuyoya, oloze enu muli vakufwa. Ove weji kuhanjikanga nge umukaluheto kaha kawatonda chumako; oloze unahono kutachikiza nge ove unapu mukakuhutwa kaha ukapuputa, kaha uselesele, kaha kapuputa, kaha unahono kutachikiza.” Kaha eyi ikiko seteko ya mauka ufukuuno, Mwata. Omwo vakiko kujimbalisa evi vyavinene, kujina chachinene.

Kutachikiza nge Yehova wamunene Kalunga, Uze nahase kaha kwinjikiza. . . Ikiye ambile ngwenyi, “Ngunehele Yami uze ishi wamundende.” Ikiye atelele kumbata ishi mangana ku—kutunga chumachimwe na chize. Kusolola, nge kusanguka chatela kupwa chumachimwe, kulinga chumachimwe na chize. Ikiye keshi kutunga ishi, oloze Ikiye atelekele na ishi, nakuteleka mbolo. Kaha Ikiye alishile sauzande jitanu na vaishi vatanu. . . jimbolo jajindende na vaishi vavali. Ove Mwata, echi chapwile mumavoko Eyi, kaha Ikiye apwilenga Tengi. Oloze Ikiye atela kupwa nachuma chimwe mulivoko Lyenyi.

Kalunga, echa etu tulihane etu vavene mumavoko Eyi, ufukuuno, na kuhanjika, “Ove Kalunga, ngumbate nge omu Ngwapwa. Kaha omwo makumishilo a chiyoyelo chami hano, echa yami nguyenga nalutalililo nge ove uli mukachi kami, kutachikiza nge Ngunasemuka chachihya, kaha Shipilitu Yove ili naunjiho na yami, na kwinjikiza na shipilitu yami, nge Ngu Mwa nove walunga, mokomoko Mwanove wapwevo.” Kaha

ha likumbi lya makumishilo, Enu namuya nakuvasangula. Tuhanecho echi, Tata.

¹⁸⁰ Kaha shimbu etu natupwa na mitwe yetu yakunongama, kunahase kupwa umwe mwaya nakuzundula livoko lyenyi, kuhanjika, “Anuka yami, Ndumbu walunga Branham, mu kulomba. Ngwatondo Kalunga kungutachikiza yami omwo. . . shimbu kanda Nguyenga hano hamavu, nge Ikiye mwaya nakungulweka yami chikuma nge Ikiye mwaya nakusanyika lijina lyami. Nanguya nakukumbulula.” Ou Mwata akukisule ove mwana walunga. Kalunga akukisule, kaha ove; kaha ove, pwevo wakalemesa. Muthu weka mukwavo? Zundula kaha livoko lyove. Hanjika, “Ngulombeleko, Ndumbu walunga Branham.” Omu mukiko etu natuya nakulinga. Kalunga akukisule, mukweze wapwevo wakalemesa. Echi chamwaza.

¹⁸¹ Jino, shimbu mutwe wove unanongama, nakulomba, Nguli nakuya nakwimba vasi ya ou mwaso:

Kanda kulikungungila upite wamokomoko
wakano hakaye,

Uze weji kunonganga washiwashi,
Tunga malutalililo ha vyuma vya Hayamyaka,
Vakiko kaveshi kukahasa kuhitako!

Kwachilila kulivoko lya Kalunga wakuzeneka
kwalumuka!

Kwachilila kulivoko lya Kalunga wakuzeneka
kwalumuka!

Tunga malutalililo ha vyuma vya Hayamyaka,
Kwachilila kulivoko lya Kalunga wakuzeneka
kwalumuka!

¹⁸² Shimbu ikiye ali nakwimba jino, kaha mutwe wove unanongama, nauya nakukuheta kulivoko lyove, nakuhanjika, “Eyo, Mwata, hano hakiko hali yami”? Chuma muka nachiya nakulingika? Nachiya nakusolola shipilitu yove, muli ove, nakusakula. “Ngwatondo livoko Lyove, Mwata.” Kalunga akukisule, sepa lyami wamundende girlie. “Nanguya nakuzundula livoko lyami.” Kalunga akukisule, kanyike wapwevo wamundende, kuno. Echi chamwaza, uchi wami. Kalunga, munatachikiza, chili kuwahilila kukumona ove kulinga echi. “Kuyanda vana vavandende kwiza kuli Yami.”

¹⁸³ “Ngwatondo, Kalunga, Ove kukwata livoko lyami. Kaha halikumbi lize, Ngwatondo kupwa mulivoko Lyove; nge, omwo Ove musanyika, Nanguya.” Eyo, nge Lazalu apwilenga. Kalunga amikisule, ndumbu wapwevo.

Omwo ungeji wetu naukakuma,
Kachi kuli Kalunga ove wapwa wamuchano,
Limbo lyamwaza na Upahu,
Mwono wove kupwa wakuhukula naukasolola.

Nauya nakulinga ika jino, kahajino?

Kwachilila kulivoko lya Kalunga wakuzeneka
 kwalumuka!
 Kwachilila kulivoko lya Kalunga wakuzeneka
 kwalumuka!
 Tunga malutalililo ha vyuma vya Hayamyaka,
 Kwachilila kulivoko lya Kalunga wakuzeneka
 kwalumuka!

184 Tata wa Mwilu, mavoko amavulu anazunduka helu, muli echi kuliwana chachindende, ufukuuno, nge vakiko vanatondo kumbata, ufukuuno, cha Wove wakuzeneka kwalumuka, livoko lya Hayamyaka. Kutachikiza nge chuma muka chinakujika kuli Ove...Ove ngwove, “Ngwa...Vosena Tata nanguhane Yami navaya nakwiza kuli Yami, kaha naumwe pimi mwaya nakuvajimbala. Kaha Nanguya nakuvasangula ha likumbi lya makumishilo. Kaweshi kuhasa nakunonga, kaweshi kuhasa kwiza ku kusopesako, oloze ali na Kuyoya cha Hayamyaka, Kuyoya cha Hayamyaka.” Kaha kuli kaha Kuyoya chimwe cha Hayamyaka. Chize chakufuma kuli Kalunga, ukawenyi. Ali Kalunga. Kaha etu natwiza nakupwa chihanda cha Kalunga, shikaho etu tunapu vana vamaalunga na vamaapwevo va Kalunga. Omwo etu natupwa na Shipilitu ya Kalunga muli etu, etu twashinganyeka nge Kalunga. Etu kushinganyeka kwoloka na kujila, kaha etu kweseka kuyoya chakumuvwisa Ikiye kuwaha.

185 Tuhane, Mwata, uze muyachi wa Kuyoya nauya nakwingila mukala muthu uze asangwile. Kaha vaze vanahase kuzundula mavoko avo, kaha kavalingileko, Ngwalombo nge Ove muya nakupwa navo. Tuhanecho echi, Tata. Kaha omwo ungeji wakuma, chiyoyelo naukakuma, echa etu kwingila mukuunda ha likumbi lize, na Ikiye, kuze katweshi kukapwa ushinakajiko, chipwe kuviza, chipwe ukalu. Palanga jino, tuhake kuwahilila na kuwahilila, kumwalisa Ikiye, mwomwo etu twalombo echi mu Lijina Lyenyi. Amena.

186 Enu vosena vakakufwelela, jino, echa tuzundulenu mavoko etu na kwimba mwaso.

Kwachilila kulivoko lya Kalunga wakuzeneka
 kwalumuka!
 Kwachilila kulivoko lya Kalunga wakuzeneka
 kwalumuka!
 Tunga malutalililo ha vyuma vya Hayamyaka,
 Kwachilila kulivoko lya Kalunga wakuzeneka
 kwalumuka!

187 Jino echa tungungute echi. Shimbu enu muli nakulinga echi, walihate nenyi, enu ngwenu, “Kalunga amikisule, mwalihata nenyi.” Kulimeneka mumavoko na muthuumwe natwame hakamwihi nayove. “Kalunga amikisule.” Hasali josena jino. Jivali josena, limenekenu mumavoko. “Kalunga amikisule,

mwalihata nenyi. Kalunga apwenga na enu.” “Tunga malutalilo havyuma vya Hayamyaka.”

Ndotolo, Ngunatachikiza nge kuchili kuze, ndumbu walunga. Ngunatachikiza ove wapwanga kuze, Ndumbu walunga Neville, kunyima chikuma.

Omwo ou ungeji naukakuma,

Kuya nakusoloka, likumbi limwe hamakumbi awa.

Kachi kuli Kalunga etu tunapu mumuchano,

Etu natuya nakumona Ndumbu walunga Seward Kuze.

Kumunyika kaha, limbo lyove mu Upahu,
Mwono wove wakupwa wakuhukula.

Kwachilila kulivoko lya Kalunga wakuzeneka
kwalumuka!

Ngwazanga chize kulifukula, hanyima ya mujimbu.

Kwachilila kulivoko lya Kalunga wakuzeneka
kwalumuka!

Tunga malutalililo ha vyuma vya Hayamyaka,
Kwachilila kulivoko lya Kalunga wakuzeneka
kwalumuka!

Lwola lwakuzala na kukunyuka,
Nge hamavu akuzeneka kunungulula,
Tunga malutalililo ha vyuma vya Hayamyaka,
Kwachilila . . .

Echa tumukwate hatoma kuli Ikiye, uze Umwe kumona Umwe mukachi ketu jino, kaha alifukule kuli Ikiye jino shimbu etu tuli nakwimba.

Kwachilila kulivoko lya Kalunga wakuzeneka
kwalumuka!

Kwachilila kulivoko lya Kalunga wakuzeneka
kwalumuka!

Tunga malutalililo ha vyuma vya Hayamyaka,
Kwachilila kulivoko lya Kalunga wakuzeneka
kwalumuka!

Kuunda! Kuunda! Kuunda chamwaza,

Lifukule kaha kuli Ikiye jino.

Kwiza nakushikumuka . . .

Ou mujimbu uli kuze. Uli nakulifukula.

Hita halishipilitu yetu hayamyaka na myaka,
Ngwalombo,
Ha makanya azangi.

Sana kaha muli Ikiye.

Kuunda! Kuunda! Kuunda chamwaza,
Kwiza nakushikumuka kufuma . . .

Uze Kaselwoke wamunene, Napu wakuokoloka.

. . . helu;
Hita hali shipilitu jetu hayamyaka na myaka,
Ngwalombo,
Ha makanya azangi.

Kanda kulinga chuma chimwe?

. . . Kuunda chamwaza,
Kwiza kufuma kuli Tata Kwilu;
Hita hali shipilitu jetu hayamyaka namyaka,
Ngwalombo,
Ha makanya azangi.

Kuliko chumachimwe hali Echi, kupwa kaha naluheto kaha chiyema?

¹⁸⁸ Shikangaho kachi kuli muthu wakuviza natondo kupwa wakuwavisa na kukulombelela. Kachi kuli, wana wove kaha chihela chove. Ou ikiye pwevo wakalemesa muchitwamo muze? Echa ikiye apwenga lika. Nanguya, nakumulombelela ikiye. Ikiye katela kuya nakufuma muchitwamo. Mukwavo?

Mamalelo, kanda ove mukazanga echi chihanda cha kutanga? Vangahi vali nakwivwa, vatachikize nge Kupwa Chove cha Kalunga hano? Omu mukiko Ngwahanjikanga. Chize chochimwe. . . Enu namwivwa nge. . . Vangahi kwivwa nge munahase kutambakana? Jino echa tutale. Kupwa kaha nge chumachimwe muli enu mwatondo kutambakana. Talenu?

Echi chinapu kuunda! Kuunda! Kuunda
chamwaza,
Kwiza kufuma kuli Tata Kwilu;
Hita hali shipilitu jetu hayamyaka na myaka,
Ngwalombo,
Ha makanya azangi.

Mwinyika hali yami,

¹⁸⁹ Shimbu etu tuli mukulifukula, etu tuli nakuya nakuwavisa vakakuviza jino, kaha valombelelenu. Kaweshi kuhasa kwiza muli eyi jila, pwevo wakalemesa?

¹⁹⁰ Echi chalumbunukila mulihi? “Kulomba cha lufwelelo nalulwila uze naviji.” Kalamuthu mukulomba jino, ngungutenu uze mwaso. Shinganyeka hali Yesu kuka mukakkuviza.

Kuwavisa muma maji. . . ? . . .



HEPELEU, KAPETULU WATETE LVE57-0821
(Hebrews, Chapter One)

MIKANDA YA KULINUNGA YA HEPELEU

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chitatu na chingoloshi, Kukumi 21, 1957, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org